

定襄縣志

地理建置
田賦

(元)

T 3150/3803.82

UNIVERSITY OF TORONTO LIBRARY
HARVARD-YENCHING INSTITUTE
AT HARVARD UNIVERSITY
MAR 25 1949

續重年五正雍

定縣縣志

蘇重平五五兼

風雲入目水木

重續定襄縣志叙

哈佛大學漢和
圖書館珍藏印

邑之有志所以致往俟來撫虛証實
著旌別昭勸懲勵人心而振風俗咸
於是乎在志之為義甚重哉襄邑舊
無志有之自邑人處士劉紹先始奈
其義多滲漏且無定裁垂數十年有

三原縣志

卷一

無極安公起而纂輯之視舊志爲加
詳而梗概乃定焉迨萬曆四十年豫
章王公重爲整修殘缺者補遺失者
序總核舊志益以新裁遂儼然爲一
邑成書後越九十餘載至康熙五十
一年珠岷王公復續而潤色之去贗

存真芟繁潤藻祖述麟經而神明其
意其義嚴其詞贍其事周詳而明備
稽地理則山川形勢瞭如指掌也考
建置則縣治規模燦若列眉也論田
賦則土地之肥瘠戶口之登耗炳若
日星也而且壇壝祀典之嚴明官師

人物之紀載灾祥藝文之畢錄煌煌
乎雲漢爲章誠一邑之鉅觀矣哉然
越今又十六載餘矣其間天時人事
之變遷沿革損益之迤嬗所爲昔未
有而今爲創昔已故而今復新者每
月異而歲不同焉倘及今勿紀延之

旣以文獻凋零後有作者勢必名存
失實信疑參半未免有决裂紕謬之
患余以冀北庸流承乏襄宰每披閱
往牒盱衡時事不禁切續貂之志顧
其事或有欽遵

上諭而爲

皇仁所由推者或有奉自

憲裁而爲

功令所宜守者或則有裨於國計民生之大或則有關於倫常風化之原或則氣運之隆特有邁於往古或則人情之變宜昭戒於來茲何者宜捐

俸以倡修何者宜設法以補救諸凡事類不一而足四載以來夙興夜寐既謀於同復斷於獨固不敢好大喜功於事之可以仍舊者過爲紛更亦不敢怠惰偷安使事之宜整於今者姑爲因循謹於簿書之暇與邑之紳

士叅互考訂續著爲書其要總歸於
勵人心振風俗以期與安王諸君子
前後相印則庶可無愧厥心並可告
無罪於襄民矣是爲叙昔

雍正五年歲次丁未孟夏朔日

勅封文林郎知定襄縣事益津王會隆

盛斯氏題於公署



定襄縣舊志叙

夫志寓治理也治理者何宜土俗也恤民瘼也紀興
革也明祭統也昭成憲也樹芳軌也考文物也匪志
莫寓志可缺焉不講乎曩子奉命來治定襄襄舊無
志嘉靖末邑人劉紹先採集故實第專而弗通繁而
弗理且缺而弗備質之治理焉未也越今歲己卯政
暇乃造里大夫張君及傅劉二春元問焉曰孔子謂
杞宋不足徵也文獻不足故也文不足獻任之子家

食時嘗纂予極志以備缺典今襄志之缺三君子謂
 何僉曰二百年餘曠典也幸斯文主張敢不贊成遂
 綜核古今延訪物議考訂謬誤補綴漏遺定為七卷
 曰地里曰賦役曰建置曰秩祀曰宦業曰人物曰藝
 林事按舊編義裁新例去取精於決擇是非協之輿
 論公而通秩而理詳而備蓋範今垂後勿疑也合而
 觀之辨川谷之勢則土俗可宜酌盈縮之數則民瘼
 可恤考創建之原則興革有據達祈報之義則祭統
 可明遵憲以迪哲則循良媲美繼軌以思齊則俊髦
 彙征以至徵文以稽蹟陳詩以觀風將金石之遺日
 月輝煌倡和之節民物熙恬矣一展卷間而治理之
 效如指諸掌其有裨茲邑豈淺鮮哉既脫藁捐俸付
 梓人三閱月而告完事予慶其成也謹述其意于首
 簡以告襄人且以告夫繼令者云昔
 萬 已卯知定襄縣事無極安嘉士譔

重修定襄縣志叙

襄之有志也自己卯無極安公始徵之矣先是世廟末逸士劉紹先掇拾郡乘之舊益以所聞見次第其事藏之且久而未有定裁安公取而潤色之而一邑之志乃成志地理則無恤之雄圖可馮而吊也志賦役則瘠土之窶氓可撫而有也志建置則規創之大畧可拓而飾也志秩祀志官業則事神治人之義可縷而指也志人物志藝文則徵文攷獻之故可學而

識也混沌之習剖為文明襄之山川神靈咸嘉賴之固一時甚盛舉也第簡褻弗清謄繕且惡而諸所紀載亦多畧而弗賅存而弗核如晉太傅劉殷誤為襄人猶曰忻襄舊相屬也乃漢冠軍侯霍去病博陸侯霍光反遺而未錄山川無恙亦率有存亡它可知耳豈事難於創始作者不任誤遺而義無取於襲訛述者何妨洗刷矧時閱數十載之久中間新故之相推損益之相乘沿革之殊勢質文之互變日異而月不

同又非復疇曩之梗概矣嘗試為之卒業不覺有揮毫吊古之想爰自奉璽書臨蒞以來日諮訪鄉紳故老間得於所聞輒記諸頴楮思一旦更而為之猶存乎見少也頃者再從玉帛之會而還計瓜期將及非稍一折衷而更鑄之前念終成虛矣始聚二三文學共相揚扞裒輯而授余余不厭紬繹為之去瑕葺敝加以新裁增所未有或謀於同或斷於獨筆削其文詞庾置其卷帙益以災祥志備修穰者之採擇三閱

月而告竣雖於舊章多所決裂然釐正增損總歸於
斥贖存真以無謬於是非之實而止則安公之意且
得余始暢祀宋之歎可無作矣付之剞劂氏以俟將
來斯亦一方文獻得失之林也乃余則尤有深計焉
今夫家督總一家則自內及外垣屋蓄畜以逮窖廩
孳畜亞旅奴僕之屬靡不時時料理息息補救稍未
就緝汲汲焉忘日夜廢寢食而圖之猶慮瘠耗偶偏
失其故也所云不愧家兒者類若此况提有四封之

內者乎又况瘠疲如襄而可不時為之致念乎蓋嘗
歷覽疆域周察風土而知其地非有沃衍之澤也其
民非有蓋藏之富也其俗又非有敦龐不變之風也
故得其治則歡欣鼓舞人有樂生之心不得其治而
疾首蹙額轉徙立至矣守土者奈何不念及此也念
之此其時矣此建置田賦余毅然與之更始每篇之
中三致意焉皇天后土實式臨之即起安公印可於
一堂不知幾為躊躇幾為太息而余能一日忘襄民

乎哉後之君子以愛一家之心愛此一方民要於厚
下無務必同期在便國不嫌因應天子前席而問蒼
生執此臚列陳之豈惟襄之凋瘵庶幾有瘳將文治
之隆永底無斁斯志之作又奚翅僅僅傳信已也余
且藉手為襄人歌樂利於無窮耳

萬 丙辰知定襄縣事豫章王立愛謨

續修定襄縣志叙

方今

聖天子在上車書一統薄海內外十五省廣袤幅員無
遠弗屆其間若郡若州若縣綦布星羅莫不有山川
形勝官師人物之志流鴻彩於盛明揭懿徽於封域
蓋省郡州邑之有志猶國之有史也史氏代有專家
援引幽邃程量謹嚴苟泝祖述麟經而變通其義不
足以鳴於天下後世故史遷作史記尚黃老而齊孔

墨羞貧賤而羨富貴識者譏之司馬光資治通鑑允
稱良史然義利稍偏有紫陽綱目而始正史學之難
固如是乎况晉乘與魯春秋同出一時六卿三晉之
事編次臚列悉載左國定襄雖三晉之一彈丸黑子
典籍依然老成猶在統志所不能備者分著郡志郡
志所未盡收者獨詳縣志志豈易言哉襄舊志無傳
傳於邑逸士劉紹先掇拾滲漏垂數十年無極安公
緣而纂緝之又數十年豫章王公芟蕪潤藻遂成一
邑之書亦云偉矣顧自明萬 丙辰迄今九十有七
年時移代嬗迭經變遷而志仍舊文慮無以備觀覽
昭勸戒時炯以海表書生承乏襄宰披閱往牒流連
者久之不禁喟然歎曰釋今勿徵後將失實舉凡風
俗之 淫人才之枯苑戶口之登耗賦稅之盈虛文
獻凋零信疑參半即遠攷他書近諮街談巷語而十
得六七未免決裂紕繆每從簿書餘暇籌蹠再四圖
有以續之而日坐風塵鞅掌中勞勞俗吏有志未遑

恭值

今上御極之五十一年蠲賑頻施湛恩汪濊熙熙然皞
皞然擊壤歌衢共樂堯天舜日守茲土者敢不黼黻
太平珥筆以備輜軒之采乎爰進邑之紳士耆宿旁
按舊乘徧討遺編凡裨官野史斷碣荒碑咸蒐羅折
衷以求歸於確當彙得邑明經牛翰垣手鈔志彙參
互印證三閱月而續志以成按舊志哀次八卷今悉
因之如輿圖星野前帙已備畧加釐訂而田賦異其
則戶口殊其數邑有壇壝則經界宜清也試有科額
則選舉宜詳也學校以崇教化城垣以固封守忠孝
節烈與日月而爭光詞賦詩歌紀休明而因替他如
祭器兵防屯田水利一切祥瑞災禳風尚物產之屬
歲久舛訛又安可任其湮沒荒墜乎惟當新舊志絕
續之交使徒挾繁氣生才臆決而影附則沈洋自恣
易掠浮響之詞所幸紳士耆宿皆考究根極之儒錯
錯然元本不已裁浮闕謬存信闕疑而予才識踈庸

學殖荒落亦復漫試校讎芟削雷同撰搆窠臼雖不敢謂無一挂漏而孜孜矻矻網舉目張若與曩時安王二公後先相符異代同心焉嗟嗟士人策名清時罕所樹立甚者舉平生所誦習而弁髦之服古入官之謂何時炯夙承家君庭訓此來萬里孤踪兢兢以清白自矢六載拮据日惟覆餗素餐是懼尚能稟經酌雅援古訂今揆是非之正協褒貶之宜以為邑乘光乎然襄固并冀故地歷傳為秀容為晉昌因華隨時而叢蒙峙其南滹沱環其北西拱藍阜東枕牛臺襟山帶河儼然金湯之勢且才人傑士接踵比肩載在史冊班班可考繼此者蜚英翹秀以待薪樗之用方諸古人何多讓耶獨其地逼雁雲俗雖儉民之益藏絕少良用慨然昔朱子詩註云晉地土瘠民貧勤儉質樸猶有陶唐氏之遺風自在後之賢有司節而愛之以上報我國家以道化成之效下庇此邦人飲和食德之長顧名思義子敢避續貂之誚乎哉嘗

康熙壬辰知定襄縣事珠崖王時炯撰

定襄縣志目錄

凡例 十四條

圖 六

第一卷地理志

沿革

星野

疆域

形勝

山川

都里

烽堠

水利

墳墓

古蹟

集場

風俗

第二卷建置志

城池 縣治 學校 公署 枋楔

舖舍 橋梁 兵防 茶房

第三卷田賦志

戶口 地糧 徭役 里甲 郵傳

課鈔 匠役 屯田 物產

第四卷秩祀志

壇壝 寺觀 祠廟

第五卷官師志

守臣 知縣 縣丞 主簿 典史

教諭 訓導 巡檢 倉大使 訓術

訓科 僧會 道會 部使 名宦

第六卷人物志

薦辟 鄉舉 進士 鄉貢 應例

掾屬 武功 武舉人 武進士 世襲

封贈 恩蔭 鄉賢 孝義 節烈

隱逸 流寓 僊釋 賓耆 老農

第七卷灾祥志

灾異 祥瑞

第八卷藝文志

碑文 墓祭文 詩詞

目錄終

重修定襄縣志凡例

一舊志創始於無極安公掇拾郡乘之遺手披成

帙後豫章王公銳志重修彙為八卷視舊志加

詳云然自萬 丙辰以迄今茲將近百年其間

睹記闕畧非遠稽近攷後雖有好學嗜古之士

其湮沒者多矣余不揣仍訂八卷體裁義例悉

遵舊志而妍鄙空疎不足備史氏之一嚮也

一志例首列疆域山川重形勢也如古蹟坵墓不

過附載以備觀覽若都里若河渠所關甚鉅分
沃瘠而定額察原委以錯規與民請命不憚再
三或不無小補云
一修繕城池敢云善政然未雨綢繆士民永賴富
輸財而貧効力踴躍爭先亦千載一時也故於
舊志為較詳

一戶口田賦為 國家重務寧詳毋畧蓋襄邑僻
處山陬粟麥而外所產無幾編審詳核民力寬
舒庶動牧人之撫恤乎

一學校所以正人倫祀典祭儀皆不可闕廼相沿
日久不特祀典荒陋祭儀亦有不可問者今特
捐俸照例增設虔肅將事用光祀典

一選舉自甲乙榜而外以及恩拔歲貢其年代可
攷者悉附本名下

一官師著績一時垂憲來禩固不敢妄加評騭其
不盡能者仍舊志也至近代循良亟宜登錄

定襄縣志 卷之二
一臺使監司無論久近必書名者經濟碩畫今後之人得有所攷名實並傳不朽也故仍之

一宦宦鄉賢事蹟行誼儘堪分載舊志列名宦於官師列鄉賢於人物亦足表章毋取乎另標也
一武科甲列名人物以舊志合武職武功為一卷故不移入選舉

一封贈 國恩也其存其沒並有榮施凡得與利名者必身得封典如諸生布衣受封者以子孫得封贈舊志並載命婦今悉因之

一孝義節烈維植天常並流時而光日月能使入感發興起其有闔學鄉保公舉者訪確畢登

一藝文率多增入者以鴻篇麗句不可漸滅諸無關於地方者又不在此例

一風俗古今互異雖民自趨時蓋亦由政教焉累載時弊凡以云救也

定襄縣志 卷之二
凡例
三
晉昌令王時炯識

五臺界


東五臺界

東南孟

北縣境總圖

東北

北嶂



南孟縣

界縣

縣界

西北嶂



陽曲界

界州

縣忻州界


西忻州界

西南忻州界

都里之圖

定縣縣志

圖



定縣縣志


圖

縣城之圖

定襄縣志

東關

古城跡



邑屬壇

北

縣會

文廟


養濟院

文會祠

小南關

漏澤園

關



草場

城隍廟

聖壽院

候館

察院

節孝祠

縣治

古城跡

演武場

社稷壇

西關

風雲雷雨壇


大南關

定襄縣志

圖

三

縣治之圖




聽花

東房



土地祠

建寧



宅


後

正

儀

頭

晉古



政堂



堂



門



武庫



坊

井



公廨

西房



兵



刑



工


獄

神獄




縣學之圖


定襄縣志




正齋宅




啓聖祠




明倫堂




先師殿




廟




文廟




堂






殿




門



廟




儒學




分齋宅



敬一亭



省牲所



忠義祠

定襄縣志

圖

四

前修志姓氏

定襄知縣無極安嘉士纂修

邑逸士劉紹先採輯

定襄知縣豫章王立愛增修

邑舉人梁 綵

薄匡宇全校

續修志姓氏

定襄知縣珠崖王時炯重修

儒學教諭馮士儼

儒學訓導王 鑑

典史胡禮乾

邑舉人薄鳳儀

薄而堅

邑貢生牛翰垣 韓玉珍採輯

薄雲翔 張天植

張 翻 薄 浩

鄧景雲

邑監生薄 滑 張芳聲

邑諸生吳 仝 張二酉

牛亮之 李世昌 仝 校

王 揆

重續志姓氏

定襄知縣益津王會隆續修

儒學教諭樊度中

儒學訓導荆益祺

典史徐文濬

邑舉人薄鳳儀 薄而堅

馬 驥 薄 經

張天彝 鄭 相

石如玠

邑貢生梁 壘 張天植

邑貢生王 棬 張 翽

邑監生張岫雲 張芳聲採輯

邑生員李世昌 郭 瀚

樊 翰 韓齊黃

薄學之 夏 勳全校

定襄縣志卷之一

地理志

夫履方履者察地形不出戶而知天下其綜覽博

也稗官小史耳剽目涉猶有風土之記方制之載

親蒞茲土而弗能舉其籍胡以自鏡也余攷定襄

於晉為邊土疆域至弱小也非有形勝之固可難

棲季之犯然自晉趙以來號令凡九嬗遞因遞革

遞守遞據焚然多變則簡子之故堞足睹記矣天

哈佛大學漢和
圖書館珍藏印

官所稽分野經度且不能合况其它乎居今之世
志古之道異同有間矣作地理志

沿革

定襄古冀北之陜舜疆理天下分冀東恒山之地
為并州則隸并禹貢復為冀州殷因之則隸冀周
成王以封弟叔虞曰唐自有晉水其子燮更號晉
則隸晉戰國時趙襄子滅智伯分晉地三之一屬
趙秦始皇併趙置太原郡屬太原漢為太原陽曲

縣地東漢末民為一擾他徙其地遂空建安中曹
操驅聚塞下流民以實地始置定襄縣屬新興郡
魏晉因之惠帝時遷農人楊釗等三千戶於此
改晉昌縣屬晉昌郡後魏改秀容縣屬肆州復為
定襄與平寇蒲子三縣竝未有城北齊武成河清
二年周將楊忠襲并州不克而還遂於古城北面
築城置三縣其中移肆州于雁門隋初復立新興
郡尋廢開皇十季西移平寇于代州之崞縣省定

襄復并秀容屬雲州十八年改秀容為忻州大業
 四年廢州存秀容屬樓煩郡唐初復新興郡領秀
 容武德元年罷郡復忻州仍秀容二年為劉武周
 偽將楊長材所據四年大將李大恩討平封定襄
 王析秀容復置定襄天寶初改定襄郡宋元祐初
 復置定襄縣金仍定襄秀容屬定襄郡屬河東北
 路元仍定襄并秀容竝屬忻州太原明并秀容於
 忻州仍定襄編戶二十里嘉靖十一年併一十九
 里萬二十一年置中路寧武道遂為三關邊縣

國朝因之隸忻州編戶一十八里

按沿革第據史所載并輯忻志成文舊志漢有定襄太守唐有定襄道行軍總管定襄都督府司馬之類而漢未嘗置郡置府何以稱太守都督且雲州定襄大同志載應朔之地此何以說也忻志金復為定襄郡置刺史屬河東北路及閱官師率云知忻州又何也如一秀容耳或并定襄或并忻州竝難辨別則沿革安能盡合哉史闕文大都類此存而不論可矣

星野

太史公曰趙地昴畢分埜定襄屬趙地則今野當在

昴畢無疑其云一度僅管百里天道渺茫何從量度郡志謂太原正當參井縣舊志謂當東井二十八九度之間又不知何所攷即日囿于天之下而未可辯也

疆域

定襄在府治東北一百八十里東界五臺縣邊家庄七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經紫

荆關至北京山百里東南驛路經固關至北京一千三百四十里

形勝

叢蒙山峙其南卧虎山踞其北東枕牛臺西拱蓋阜牧馬水前深澤沁水後繞襟山帶河儼然四塞之國誠一方保障而三關鎖鑰也

山川

虎頭山 縣治西南三十五里以形名

紅泉山 縣治西南三十里山洞石紅類砂泉源不絕故名御史賈統嘗讀書于此

叢蒙山 縣治南二十五里群峯聯絡至此端聳春夏雲氣合輒雨有雨霽侯廟景標蒙山雨霽

詩見 藝文

居士山 縣治東南二十五里山下泉流側畔石室有古碑剝落詳隱逸唐王維兄弟嘗讀書於此

萬三十四年建塔本山以巽峰宜文秀三十七年偶旱劉暉村人妄毀之可歎也

窰頭山 縣治東南二十五里穿窰取炭故名上有羊腸占

團城山 縣治東南二十五里趙盾避難遇晚令軍士包土築城止宿故名猶存遺跡

七巖山 縣治東南十八里以石洞此七得名中洞窰奇為忠應聖母祠相傳即為七巖不知此

特其一耳深可二十餘丈廣殺三之一高可二丈餘形覆而四垂雖夏旱水滴如散珠不絕最後一井斗大滴水長注不盈頻取亦不涸旱禱輒應知縣王立愛題曰惠泉井之上

一小巖更幽窵可愛洞隅而邃正對夕陽恍然異境又題曰惠泉第一洞天有聯云巖窵

自天開影倒夕陽洞外嵐烟頻靄翠泉流從石出機涵太極箇中風雨驟興雲景標七巖

晚照詩見藝文右一岩先是土辭忽現巨石狀如獅好事者因而肖之今題曰獅石巖側

北一巖亦奇今題曰寶符巖取趙簡子歲符北嶽之義有聯云北嶽幻奇日映巖窵神發

秘南天來爽風 清花底路生香

八峰尖山 縣治東南三十里一山八峯琵琶山 縣治東南十五里以形名

紅沙山 縣治東南十五里山沙盡紅故名

武峪山 縣治東南十五里有藏孤臺見古蹟

熊兒水山 縣治東南三十里山故未有水一日熊入
山中人往縣之水湧出遂名

暖窰山 縣治東南四十里以氣名士多結屋讀書于
此

武子谷山 縣治東二十里峰巒高峻散客多游賞

五石峪山 縣治東二十里雲合致雨

十八盤山 縣治東三十里盤旋而上一十八轉也故
名

神山 縣治東北十五里平地壘石突兀如盤似所遺
而成元好問嘗讀書于此因號遺山有一丘一

盤真堪老且具朴山煙景休之
莫考創始之年霜檐鐵壁迥絕
塵俗景標神

山古刹詩
見藝文

聖阜山 縣治東北二十里峻聳秀特舊有高樓可眺
遠今廢下出溫泉有釣魚臺蓮
花池五僊洞

仙人足石蓋膝境也水經云湔
聖人阜北指景標聖阜危樓詩
見藝文

牛臺山 縣治東北三十里李子敬避居于此人號李
牛臺

五公山 縣治東北四十里五僊煉丹於此故名

段木山 縣治東北四十里

青石山 縣治東北四十里

紫石山 縣治東北三十五里

漆郎山 縣治北三十里即柏樹嶺山洞內刻漆郎像

鐵石山 縣治北三十里其石重黑能吹鉄

大小龍山 縣治北三十里

卧虎山 縣治北三十里

趙老懷山 縣治北三十里

橫山 縣治西北三十里衆山東西此獨南北故名

鳳凰山 縣治西北三十里

龍頭山 縣治西北三十五里

潯沱河水 發源繁峙縣東秦戲山一名孤山列如品

字名三泉合王斗泉北樓口華嚴嶺諸水

西流出繁峙縣北經代州崞縣至忻口東折

入定襄橫比東流後逶縣治如帶每春時南

岸堅水先泮景標沱水水消詩

見藝文河水抵五臺入真定

牧馬河水 發源忻州西南白馬山至牛尾莊合諸水

出州南東流南環定襄如帶東北入潯沱

河水經云白馬之

山牧水出焉即此

雲中水 由安義藍臺經西營羊房村東北入潯沱河

俗呼天草河

三會泉 在叢蒙山麓一龍液泉一呂布池一娘娘池

並出合流歷四時不涸浸灌數里平蕪一望

綠野襄邑稻穀盡出于此與太原晉水相似特殺其分數為多耳景標三會清泉見藝文

溫泉

在聖臯山下有三穴長流唐龍翔中嘗賜錦幡幢蓋舊有李治碑記今廢

暖泉

在龍頭山麓夏涼冬暖

甘泉井

在小南門外相傳趙襄子時所鑿味極甘久發今開

惠民井

在西門外正德間知縣張榮穿至今民賴焉

都里

額編二十里後并一十九里後又并一十八里

在城領二都

南關都

南關廂

董村

張趙村舊屬智村

北關都

北關廂

北關堡

小北關

新庄頭村

涼樓臺

丘村舊屬季庄都

城東領五都

王村都

小王村

南西鄰村

北西鄰村

桃原都

蔣村

土嶺村

南庄村

河南坪

李子底

白王溝

戎家庄

楊家庄

史家岡

高蔣都

王家庄

趙家營舊屬屯
鎮安村

牛臺都

牛臺村
馬家窩舊屬

芳蘭村

南作村
瓦扎坪村

青石都

青石村
陳家營舊屬屯

南澗村

城南領四都

待陽都

待陽村

大南邢村

小南邢村

劉暉都

劉暉村

南王村

窰頭村

趙村都

趙村
龍故名龍門村

白鹿原舊建保嬰祠門刻畫

東劉村
東劉村

百泉橋

炭窰溝

東霍都

中霍村
病別業故名

小霍村

西霍村皆霍去

白家庄
玉池四

冠村舊有冠村都

城西領二都

西邢都

張村
庄里村

西河頭村

西營村

智村都

智村智伯故里
邢都

西邢村舊屬西
大揚芳村

南藍臺村春秋智襄子還自衛韓康子魏
桓子趙襄子同宴藍臺有文臺武臺故名
北藍臺村舊屬西邢

城北領五都

神湯都

南受羅村
上湯頭村

北受羅村
下湯頭村

向陽村
于家庄

馬房村

林山村

北王都

東作村
高村

南作村

北庄村

嘴前為村故名

黃嘴村後有黃土岡如牛形

山鳳上都

舊橫山都

橫山村

馬家營

山鳳下都

舊迴鳳都
北林木村

迴鳳村

南林木村

藝文

庄都北地先榮景標季庄春色詩見藝文

賈家庄村季庄村舊屬李

閻家庄舊屬季庄都

辛庄都

舊辛安都
辛安村

季庄都今為辛庄都
無畏庄
馬城村

劉念村
嘴子村

大營村舊屬也

續志曰按襄邑明初編戶二十里後并入寇村於東

霍為十九里

國朝并季庄辛安為一里改名辛庄都又并橫山迴鳳

為一里名山鳳都後分山鳳上下為二里合前共一

十八里考各里土地之肥瘠地湧三泉東霍為最牛

臺智村神湯北王高蔣待陽以次亞焉劉暉北關南

定襄縣志 卷之一 地理
關山鳳上又以次亞焉胡桃原王村趙村又以次亞
焉青石西邢漸不及格辛庄斯下矣寇村雖附東霍
與山鳳下之迴鳳村則瘠疲尤甚况出入於天時人
事之間又未可懸定者乎然亦就襄土論次之若與
省南諸土地并較饒瘠恐又非其倫矣是可為襄賦
權衡也

烽堠

智村墩

西古城墩 俱西路

東古城墩

王進村墩 俱東路

小王村墩

蔣村墩

芳蘭鎮墩

青石墩 俱東北路

智村土堡

縣治西南十五里

張村土堡

縣治南十里

鐔村土堡

縣治南十里

待陽村土堡

縣治東南三里 牧水衝毀

劉暉村山寨

縣治東南十里

南王村山寨

縣治東南十五里

東鄧村土堡

縣治東十里

鎮安村土寨

縣治東北十五里至元間恒山軍亂元帥樊天勝築寨於此遷臺州民以避寇

神山村山寨 縣治東北十五里即在本山壘石盤塔

蕎麥寨 縣治東北二十里蔣村勢極峻聳與神山寨隔河相對

砂村山寨 縣治東北二十里 芳蘭村土堡 縣治東北三十里

牛臺村土堡 縣治東北三十里 青石村土寨 縣治東北三十里

橫山村磚堡 縣治北三十里 上湯頭村山寨 縣治西北三十里

向陽村土堡 縣治西北三十里 長安村土堡 縣治西北四十里

藍臺村土堡 縣治西十五里

水利

潯水渠 起湯頭村東邁橫山村經建安合河久廢元好問有記康熙一十一年知縣趙繼普捐俸

復開起自忻口蝦蟆石十五里入縣境灌溉上下湯頭向陽村于家庄橫山迴鳳季庄林

木八村縣治前有碑記統見藝文

通利渠 從縣北過砂村至芳蘭村深濶各一丈初開於宋年久湮塞元至正五年復加開濬張惟

善記見藝文今廢

北受羅渠 起忻州白村經上下湯頭北受羅于家庄至迴鳳西沙坡

馬房營渠 起下湯頭入馬房營

南受羅渠 起下湯頭入南受羅村

北庄渠 起馬房營北經南受羅入北庄

南庄渠 起馬房營南經南受羅北庄南庄各村竟抵西東作兩村

黃嘴村渠 起代郡經南庄黃嘴竟抵高村

林木村渠 起高村西南經庄頭至林木村合泉水灌稻田

丘村渠 起高村西南經庄頭校尉營入丘村灣

藍臺村渠 起代郡經西營村入藍臺 按西營村舊在藍臺北因河決五遷今在南藍臺正東

南關渠 起代郡北經西營西河頭各村入西關

西關渠 起代郡南經羊房村入西關

北關南渠 起羊房村西經古城傍入北關

北關北渠 與南渠並列傍大河東行竟抵石牌灣

神山村渠 起庄頭村經北關王進村師家灣入神山即通利渠之故源也

王進村渠 從縣北抵師家灣 晉府屯地多賴焉

崔家庄渠 起庄頭經北關入崔家庄淤廢萬 四十年知縣王立愛查復開濬有碑記

趙家營渠 起崔家庄北入木村

衛村南渠 起崔家庄經鎮安村南神山村北抵南作村合牧馬河

衛村北渠 與南渠並行從鎮安村中歷衛村抵管家營

許村渠 起鎮安村經嘴子馬城各村竟抵劉念村

南作村渠 起衛村西北經管家營入南作村萬 四十二年知縣王立愛新開

以上引滹沱河水

牧水渠

至元辛未間開自智村南引水入古城由西鄺村合河大明洪武二十七年忠義坊副使高茂率巨族按跡再濬今廢

智村南渠 起忻州北霍村南入智村西

智村西渠 起本村西南入村東

智村新渠 起本村西南入村北萬 四十一年知縣王立愛新開

西邢村渠 起智村東經西邢入張趙村

張村渠

起西邢村西經張村抵董村 日查有補之痕奉 諭照舊更正

光緒十五年九月十一

待陽村渠

明天啓四年開起張村西北經董村灌待陽村至南西鄺村縣治前有碑記

以上引牧馬河水

光緒十五年九月十一日查有補之痕奉 諭照舊更正

鐔村渠 起呂布池合流北抵李家庄分四小渠

南邢村渠

起小霍池經南王南邢待陽各村至趙村合牧河有碑記

中霍渠 起三會水引灌本村

小霍渠 起呂布池引入本村

官庄渠 起呂布池照五分水灌本村有碑記

以上引泉水

所有各渠碑記並詳看立案附載藝文

續志曰襄邑新舊渠錯綜阡陌不下三十有奇或引

滹水或引牧水或引泉水其耕澤澤厥利溥哉然滄

桑迭變遷徙靡常如通利渠向從縣北迤邐至芳蘭

村又經截斷王進村渠向亦直抵師家灣今僅灌本

村而止蘭臺村渠向經西營村今其村屢經河決凡

五遷距故址十有餘里故有昔濬而今淤者有此通

而彼塞者後之視今亦猶今之視昔此中民命攸關

爭端易起願濱渠村落若水之性共利其利無分爾

我疆界可耳

墳墓

周

趙襄子墓

在城東五里周遭四十四畝三分六釐墓占一十一畝有奇外為學田萬三千年

間墓傍先後裂墜二孔內皆磚砌空潤如房磚形薄小其為古制無疑必當日從葬壙穴

耳四十四年知縣王立愛豎碑歲久殘斷康熙四十七年知縣王時炯重建祭告并查霍

將軍墓經千餘載不惟碑碣無存且墳塋蕪沒謹按舊跡重封銘石統見藝文

漢

霍去病墓

西邢村西墓地無幾有斷墓碑碑文一千四字銘一百七十六字中可句讀處起云

霍姬姓今河東定襄之族謂後世漢大將軍霍君去病冠軍平陽人子死國除博陸之胄盡于孝義然冠軍殺出兵鴈門上郡朔方定襄豈其有、者存又云將軍同知八番順元軍民宣撫司事霍君子萬出定襄善騎射當至元壬午、元首阿察反收、四川湖廣雲南三省臣合聲省署君攝千夫長從攻會靈關破之又云制授武畧將軍順元軍民宣撫副使久之進同知軍民宣撫司事守武節金符又云積勤四十年按幾創始克少有、

見爵、諸侯子男秩卑弗獲為太史不樹碑先塋又云嗣人後即無庸為稽以紹

緒厥猷、王父諱、、整不仕又云定襄今忻州所屬邑其族、、數百人以東西小霍

自別又云五里名曰西興里為塋冠軍則世有廟祀蒙、、銘曰風霆伏藏日星煜煌二

儀清寧維、之祥熊砲螭張斷齒奮攘宛而龍馴維將之良桓、嫖姪盜馳窮荒輪臺之

張慙德武皇維武節君際時興王、樹奇霖霖道光從戎西南反側是戍匪躋武為極

其愚狂兵則、、義孰其方彼強方持我仁德將夫惟將之、、所劓、夷其塗亦劓其

棘既棘而夷我履我域夷奠厥居皇善厥德卉裳冠文歲事納錫肆庸偏裨益贊其職、

歸耒顛毛雪霜飾其孝思有事定襄載藜嗟我鏡刊題名、千斯世先塋之光延祐已

未前翰林國史編脩官李洞讓碑內切要及
所叙派派名字殘毀殆盡必奸人私其墓旁
餘地所為恨尋獲之晚未及追窮其故耳
思碑義大都去病後代子孫武節君功成之
後刻石于祖塋一以彰先人之舊一以昭繼
述之光前豈其有、者存後其族、以昭繼
百人各鑿毀二字意必為子孫字也博陸
霍光乃去病異母弟觀博陸之胄盡于孝義
則定襄之霍為去病子孫可知也叢蒙山一
名蒙尖舊有雨霽侯廟相傳為去病碑云世
有廟祀蒙下殿二字必為尖山無疑其
曰西興里為塋豈古西興即今西邢耶

元魏

爾朱塋墓 林木村

唐

奘墓 龍門村即白鹿原俗呼和尚園詳僊釋

宋

呼延贊墓 橫山村鎮國寺後舊有碑文今廢

金

孫九鼎墓 青石村九疇九周鼎墓 南王村元好問撰墓表見藝文

周獻臣墓 附塋鼎側王利薄松年墓 芳蘭村郭郭撰墓表

元

甄 有墓 東王村秀附塋 張安寧墓 南邢村元好問撰墓表

喬信武墓 辛安村 樊天勝墓 砂村天用附塋

姚 榮墓 東古城外廷玉 李子敬墓 中霍村

明

鄒 瑄墓 季庄村 賈 統墓 寇村

李 奎墓 張村 雷 澤墓 張村工部侍郎張順撰墓表

吳 昂墓 南古城內 禮部侍郎于鳳喈撰墓表

樊 濬墓 南古城內

邢 洪墓

喬 震墓 東古城外薊州知州王 遜撰墓誌通政黨承志撰墓表茂亨附塋 編修元思謙撰墓

誌 樊啟東撰墓表

薄 徽墓 芳蘭村喬光大撰墓表

張 偉墓 南邢村大學士徐階撰墓表見藝文

薄 鸞墓 芳蘭村世佑附塋布政使王道行撰墓表

喬光大墓 牛臺山大僕寺少卿王治撰墓誌臨洮知府唐頤撰墓表見藝文

張九戩墓 南邢村王治撰墓表

樊啓東墓 南古城內王治撰墓表

傳納誨墓 南古城內

劉一貫墓 南邢村

鄭東暘墓 龍門村北刑科給事中萬自約撰墓表維周附葬

鄭友周墓 龍門村南

傳應期墓 東南古城內諭德周如砥撰墓志見藝文陶望齡撰墓表

傅新德墓 高長村吏部郎中清源王宗賢撰墓志大學士吳道南撰墓表見藝文

漏澤園 舊在西城外二里許以鹹鹵不堪瘞骨廢棄萬四十四年知縣王立變改城北舊社稷

壤為之生員李遇春以近宅不便出城東比指房頭地六畝一分六釐易之暨有碑壇地盡准遇春畊為世業舊漏澤園地七十三畝三分一釐見三園記以為民間侵占今以隆慶年間少弓清量得六十畝五分六釐除塔占二畝八分外摘一十畝八分一釐與生員喬遷樞一十二畝與生員傳新國一十二畝與生員鄭兌城西各地改建社稷壇一十三畝充潤國濟民侯尹鐸廟常住地改給僧人耕種餘九畝八分九釐並鹽房頭地六畝一分六釐復為民間侵占康熙五十一年知縣王時炯詳復原額碑勒治前並見藝文

古蹟

古城 魏土風記云夏后氏築或曰趙襄子又曰石勒起兵而築相傳通忻州劉家溝屠岸賈洞

呂布池 在中霍村東布捉龍馬于此故名

開門峪 縣治東南十五里一山中分相對如門或曰趙盾避下宮之難所開攷韓非子曰智伯將

伐仇猶而道難不通迺鑄大鐘遺仇猶之君除道將力之赤章曼枝諫不聽遂內之赤章

曼枝因斲轂而驅至於齊七月而仇猶亡按仇猶即今孟縣故城又為自開

龍血石 在開門峪內趙盾避難出此見前途有龍持

豫讓橋 在南邢村南事見流寓橋頭古有廟碑今廢

藏孤臺 在武峪山程嬰藏趙氏孤兒于九原程侯山

諸將索急嬰與公孫杵臼謀取他人嬰兒偽匿程侯出趙氏孤遠匿于武峪後人號為藏孤臺舊有保祠唐釋樊創詳僊釋

劉僊洞 縣治東南五十里詳仙釋

釣魚臺 在聖阜山下李子敬釣隱處

仙人足石 在聖阜祠內石顯一足痕萬三十八年

水內澡浴出水自曰冷入水自曰熱浴罷去聞于鄉中聚

觀者數十人并力翻石乃轉

龍母洞 縣治東北三十里一山石洞口徑僅三四尺鞠

身燃燈而人行數步更窄小幽寂冷前

始殿豁有龍母像石臺石燈聲風來燈滅鄉

人祈雨持磁餅插香其中置石臺上以得水

愛步禱于此使人如俗入祈俄而餅中生水
浸香二寸許捧還是日果得大雨三日方止
乃新祠于洞口
痛曰龍母僊胎
石佛洞 縣治東北三十五里山開一石洞石佛一堂
天造不由人工

集場

在城逢單日

芳蘭鎮

逢四八日

中霍村

逢二六九日

橫山村

逢四八日

青石村

廢

神山村

廢

南受羅村

逢二六日萬

三十六年

知縣魏從周立

八景

舊志止載詩題中
今特附錄於此

蒙山雨霽

沱水冰消

聖阜危樓

神山古刹

七巖晚照

三霍清泉

以上六景詳見山川

季庄春色

林木秋光

以上二景詳見都里

續志曰予總角時即有山水癖所至輒流連竟日
然孤懸海嶼足跡無多及長游歷三吳兩浙瞬息
風帆幾令佳山好水笑人寂寂矣今蒞晉昌撫此
地瘠民貧而某丘某壑常在指顧間間以公事身
親其地如聖阜神山七巖三霍皆峰巒嶮巖池沼
漣漪差可排俗狀滌煩襟若夫叢蒙紅泉諸名勝
未遑登涉所謂一行作吏塵囂萬斛信然也

風俗

舊志云地狹民貧士多廉耻之守里鮮經營之業
勤稼穡急賦稅服用儉素閭閻謹嚴惟疾病信巫
喪祭用釋婚媾競財猶當約之以正也郡志云務
詩書多稼穡有儉素風此其槩矣邇來人心漸趨
於猾習尚日入于偷鷙悍輕生動以縊毒相圖賴
睚眦必報甘以訐告作生涯奸人魚肉善良頑民
慣逋賦稅挾制之風未熄賭博之習難瘳紡織教

而弗趨奢華與習漸長江河轉下砥柱安施所幸
文風寢盛質朴未亡冠紳恬雅有餘愚眊鼓腹無
事猶有陶唐之遺焉

續志曰風俗之趨因時而降然波靡習染猶賴賢
士大夫砥柱中流耳舊志無風俗考但列其輕生
健訟數端以為鑒戒不知力挽頽風惟求大道如
父子析箸何論友昆此孝弟之當求也毗子狎娼
何論矜士此禮義之當講也按郡志載襄俗務詩
書多稼穡有儉素風何古今之不相若乎

民業耕稼多商賈士嗜詩書貧者設臯比不知遠

遊木業

士多愿慙不樂奔競間有爭訟者人咸鄙之
地苦寒寢處必火坑高三尺許人鮮疾病語云床高
免鬼吹鬼吹者地氣侵也近多作矮坑習尚

冠夏涼帽綴紅纓士大夫按級綴金銀帽頂服如
制服飾

冠禮不行已久海內皆然不獨一郡邑也 婚禮
 男不出贅女不招婿問名納采請期士庶通用惟
 親迎則士大夫家行之 喪禮冠服士民皆純白
 三年始除惟士起復遵例二十七月 祭禮士大
 夫家作神主間置祠堂然亦寥寥數姓餘俱供私
 室依時致祭禮節

立春日食春餅出上牛以畢寒氣 元旦鷄鳴起
 沐祀天地祖宗畢拜尊長戚里置飲食邀賓朋彼

此燕會彌月不輟 上元街巷懸燈火通宵扮社

夥或搭燈市屈曲盤旋鼓樂導引士女雜還俗謂

黃河九曲 寒食不舉火祭祖先於墓設鞦韆以

達陽氣 端午以艾插門或佩兩耳兒童繫五色

線食角黍飲雄黃酒 七夕女子用瓜果盛庭中

乞巧 七月十五以麻穀懸各門首亭午請而祭

之以瓜果紙供薦祖塋 中秋用瓜果餅豆相餽

遺以助賞月 重陽蒸花糕 十月朔各祀祖塋

冬至俗缺拜賀之禮 臘月初八煮白粲加棗
 栗榛杏以為糜曰臘八粥 二十四日祀竈以錫
 除日更桃符飾門貼春聯門神慶賀新節節序
 城關村疇各建廟社春祈秋報咸有樂舞酒醴牲
 牢歲以為常 祈報

按禮傳云觀民風者奢則示之以儉儉則示之以禮夫禮也者中而已矣習俗相沿固難驟更與其紛華相軋毋寧撲澁無文是在司風化者轉移其間也

定襄縣志卷之二

建置志

續志曰先王建國郡自為封邑自為理非獨其形
 勢便也要以輯衆志固吾圉耳有城池以壯藩垣
 有堂廡以肅臨又有學校以叙彞倫諸如倉庫舖
 舍以及祭器書籍兵防武事與夫坊楔橋梁靡不
 犁然具舉傳曰築城衛君造郭守民審五庫之量
 考常平之制廣博士之宮習八矢之備期於富不

定襄縣志 卷之二 建置一
忘教安不忘危也襄邑彈丸不列大都會或隳廢而不修若更張而彌修皆洩也圮思作作思守三時不害尚思所以恤民力哉作建置志

城池

古城周遭二十五里頽廢僅存遺址縣城在古城內北隅北齊武成河清二季周將楊忠築周遭四里七十三步卑薄不堪固守天順間屢中虜患嘉靖初知縣張榮增修隆慶元年知縣常世勲郭外

東西北三面築圍墻基廣一丈五尺高如其數時以它倥倂南面未築明年知縣李廷儒大修城池萬元年知縣王濯征重修西南門樓皆張九晟記十三年知縣白璧修東西甕門各題石刻東曰保障曰輯寧西曰慶成曰靖邊南曰保泰曰宣平小南門曰永康廢塞北門萬三十二年知縣王興包修甕城各城樓顯扁自記西北兩處屢多傾圮三十六季一百三大五尺知縣魏從周補修四

十二年九十六丈七尺知縣王立愛補修增飾各
城樓加以扁聯東內仍股肱畿輔外易賓陽西內
易保障天門外易寶成爲慶成府諱南內易天
中覽秀外仍迎薰小南門內易塞北雄觀外仍映
暉北南向仍襟帶山河題聯鎖鑰壯金湯形勝南
來誇第一山河雄帶福輿圖北拱可無雙內扁覽
勝樓題聯樓閣嚮南風動晉昌辭愠阜財此地
有堯天舜日城垣當正塞雉高一路壯觀固圍何
處是漢柱秦關樓下扁晉陽鎖鑰北向易四塞金
湯四十四年北面東傾圮一十四丈三尺知縣董
一經補修

國朝康熙四十二年傾圮南門磚城一十三丈有奇
恭值

皇恩蠲免全省租糧知縣王時炯補修六十一年南
面傾圮磚城一十五丈四尺知縣杜瑛倡捐修葺
雍正三年秋七月霖雨彌月南面傾圮一十五丈

四尺北面傾圮一十七丈知縣王會隆詳請捐修
又修圯圮東門樓與小南門樓二座東門樓內扁
易天衝與旺雉堞聯延樓櫓轟峙屹然壯觀焉又
以護城埝毀池堰衝齧躬督畚鍤培薄增卑陂者
以平缺者以補蜿蜒盤折周匝靡遺襄雖逼迺雁
雲何煩鯁鯁過慮哉

續志曰古定襄城在今縣治城外舊傳夏后氏所
築漢爲縣後廢今縣乃其內城耳城周連三里二
百三十四步高二丈五尺此載在郡志者歷歲彌
久而規制完整且崇高巍煥鬱為巨觀實較勝於
曩時云

縣治

縣治前代無攷洪武三季主簿李忠建在城西南
隅累朝增飾中為堂贊政廳翼在堂西東為庫
東西下列各房科如制甬道中有戒石亭戒石置
儀門東北向堂後院橫界以墻中門一座進為後

堂左廂房一間廂房後東北書房三間由廂房南
開門東入堂後院宅門一座內樹屏牆後宅三間
左廂房二間宅東一門摺入後院高樓三間左右
廂房各三間樓後空地連築界墻再後書房三間
宅左為縣丞衙典史衙在丞之南前稍東並由儀
門內入右為主簿衙西房科後為獄儀門外東為
土地祠西南為武庫嘉靖初知縣張榮重修建行
義倉于武庫北建思奉亭于宅東自記今俱廢三

十六年知縣施元重修隆慶元年裁減縣丞改為
簿衙簿舊衙廢後為諸曹公廨三間萬二年知
縣王濯征重修五季知縣安嘉士扁後堂為再思
建山水亭于宅後各自記又于亭左構琴鶴軒今
俱廢二十一年知縣劉天建賓館于土地祠右
中堂舊扁拊循萬三十二年知縣王興改應宿
堂後墻門扁思補改再思為寅恭扁賓館為親仁
軒題儀門外聯地僻封微漫以延衰看黑子民貧

賦重須將疴瘵問蒼生萬 四十二年知縣王立
愛大加增修頭門橫街舊樹屏牆塞門今改徙街
南街北建古晉昌坊一座三架中設門出入必關
街中闢為周行人甚便之頭門北徙一丈六尺鼎
新豎蓋題聯方四五十里彈丸之區土瘠民疲痼
瘵無時寘念為東西中路邊鄙救邑事繁賦重拮
据何日小康舊賓館湫隘土地祠不堪棲神鼎新
創建改土地祠為賓館三楹高敞題以閱堂有聯

何利當興何害當除諸君子嘉惠維衆願各虛心
見教有賢可事有仁可友予一人憑藉茲土寧忘
折節相資改館地為祠前豎捲棚為瞻拜位幽潔
爽塏南向各界以門墻東總一門而出儀門東西
兩隅各建厦三間為里胥監收錢糧棲泊之所儀
門兩角門修砌恢拓加題儀門聯叢蒙洪洞列為
屏百里侯封雄保障牧馬潯沱環若帶一方形勝
甲三關撤去戒石亭懸聖諭于儀門內北向護以

聯天語要在愛民蒞茲土無忘顧畏官箴不離潔
已凜彼石即是循良易應宿為忠愛題聯忠君只
是盡心夜寐夙興勤萬念總成一念無逸愛人莫
先節用民窮財殫省一分可寬萬分如傷刻題名
石于堂左右暨直指李公若星訓廉謹刑碑堂後
左暨門一座題仕學軒從東入北折而抵書房撤
塞舊門改增廂房右暨門一座題種花處從西入
以公廨前空餘地種花也思補蕪以聯訟牒無寬
門外春深長綠草催科有法縣中秋過屢豐年後
堂簷題矢心天日易寅恭為四知題聯智慮聰明
見未到性生有限起居出入念苟私天地難容典
新宅門題如水清署有聯澹泊以居一座官衙清
似水欲仁而得回封赤子盜如春宅屋簷題可與
天知一聯為政先勞若內溝中思已任自公退食
無慙屋漏有天知改建左廂房為三間右增一間
樓題寧遠一聯樓聳具瞻求莫目能周部屋地當

北極凭高手可摘星辰樓下題戴星居自內及外
自堂及舍自上及下靡不去敝更新盡地槩加甄
砌向未開水道按形家法疏而導之獄東有隙地
相近獄門另蓋屋三舍名輕監以疎羈獄者詳大
修縣治記

旌善亭

缺萬 四十四年知縣王立愛捐俸買縣治
前屏牆東邑民杜奇地與建今廢

申明亭

舊在縣治前街南萬 四十四年知縣王立
愛改建屏牆西與旌善亭相稱今廢

賓館見前

譙樓

缺萬 四十二年知縣
王立愛置鼓城南樓上

鐘樓

缺萬南城樓上有古巨鐘萬餘斤守城民壯以
時撞鳴聲聞三四十里與譙鼓翕應因包甃城

徙於廢署隙地萬 四十二年知縣王立愛就
廢署東南隅砌石臺一座建樓懸藏康熙十七

年知縣吳會璋仍
移置南城樓上

胡峪巡檢司今廢

邊儲倉

今廢

廣濟倉

久廢

預備倉

在察院東門二重上正殿一大座三架東西
各三殿萬 初年知縣王濯征安嘉士先後

修葺四十二年知縣王立愛增修上正殿三架各界以墻改中為官廳兩旁為小殿歲久傾圮康熙四十六年知縣王時炯重修貯里民每歲捐穀大門外扁懸預備倉倉內舊編老人一名裁革該吏經營并召募斗級一名建房四間看守無虞

社倉

在南甕城芳蘭鎮橫山村劉暉村雍正三年知縣王會隆設立 舊有七處後并為預備倉

社學

一在南門內西火廢一在察院前西康熙二十年知縣趙繼普建正房三間大門一座規制半傾四十六年知縣王時炯重修東西兩廊有記見藝文其餘各鄉村社學即在各寺觀內

陰陽學

醫學 二學并缺

僧會司

明初設在高蔣村功德寺後改聖壽院內東南萬曆四十四年知縣王立愛移院之東北

按 聖節習儀於寺觀宇內皆然獨定襄從公署演禮萬

年間知縣王立愛捐修佛殿簷製祝聖道場護以聯佛法空虛百鍊金剛藏世界聖人萬壽一方土宇鞏皇圖殿中設萬歲牌臺塔如制演禮於此儼如天顏咫尺也大門內扁懸鄉約所宣揚 上諭十六條

道會無攷

養濟院 在縣東南隅久廢

普濟育嬰二堂

在縣治東小王村二堂並列普濟堂正房四間東房三間門房三間育嬰

旨設立

堂正房三間門房三間雍正三年奉知縣王會隆捐置地畝供給有碑記

定襄縣志 卷之二 學校

續志曰襄邑形勝據水經云滹沱水東流聖人阜北指宜乎文明之象炳炳烺烺英才傑士應運挺生古者建立庠序敦崇倫紀牖斯民於軌物俾勿失乃恒性今三年大比擇其秀者升之鄉拔其尤者升之國其次則貢成均悉由是焉根本之地宜何如培養歟國朝右文重道視往代爲倍隆襄雖偏隅詩書禮樂之訓翕如也泮壁殿廡之制煥如也文化沾濡絃誦不絕由茲而講學而習禮而明倫駸駸乎鄒魯之風矣粵稽儒學宮牆舊在縣治南城外基址荒僻殊非崇奉

先師至聖之體元大德十年知縣趙德溫重建崔允記明洪武八年縣丞徐思寧移於今縣治東北正德間知縣王卿重修改大先師廟嘉靖三年知縣張榮增飾萬十二年知縣白瑩重修恢拓明倫堂二十二年知縣劉士麟建賢關坊于明倫堂臺之南畧以門

九章集異說 卷之二
牆儒學門在文廟西與櫺星門平列後未有扁明倫
堂在聖殿後左為日新齋右為時習齋教諭宅在堂
後訓導宅一在日新齋後一在敬一亭後因增修明
倫堂改教諭宅於日新齋後裁革舊訓導宅四十二
年知縣王立愛大加修飾北徙學門二丈四尺許新
懸儒學扁題聯秀氣抱宮牆四獄兩河再見鳳鳥馬
圖之瑞文章呈彩筆拔茅連茹並驅雲龍風虎之交
甬路遍砌甃石西耳門扁龍門東耳門扁鳳穴易賢
關為天池堂簷增扁文明護以聯六經如日月之明
魚躍鳶飛昭察乾坤呈萬象多士應星奎之運蛟騰
鳳起聯翩鱗羽奮青霄又堂聯國家養士儲才忠孝
節義不出庠序學校之範君子立心為己喜怒哀樂
即是天地萬物之樞鼎新題名扁四面堂齋門宅一
竝修葺

文廟舊為大成殿東西兩廡前戟門外東名宦祠西
鄉賢祠中為小泮池前文廟牌坊一座三架三間東

西接以橫牆街中樹屏牆塞中門知縣王立愛改修
文廟坊北徙一丈五尺如制改櫺星門東西橫牆作
八字形街中屏牆徙在舊坊地屏牆東西圍以柵欄
泮池從而上之亦如櫺星門數更拓深廣戟門扁廟
門殿改先師殿廡各祠悉新如制臺階甬道石砌
啓聖祠在聖殿東路牆東側開一門東入統於櫺
星門內配享無主並祠甚苟簡且傾圮幾盡知縣
王立愛鼎新如制修飾列門南出扁啓聖祠在櫺
星門東前出一步

敬一亭在儒學街西訓導宅前歲久傾頽知縣王
立愛鼎新修葺康熙四十六年知縣王時炯恭鐫
御製訓飭士子文碑監立敬一亭內其南隙地數十
丈於康熙五十一年新建省牲房一座三楹有記

載藝文

按儒學前望蒙山如端人正笏相對形家善之惟
後山稍遠故鄉紳多有建奎閣於明倫堂後之議
謀已僉同惟是閣為後勁視聖殿明倫堂必稍高
出數尺方為合宜而可稱巋然之雄觀也綠大木

未可一時猝得遂致稽阻守土者屢舉而無可藉手豈盛美將有所待耶

射圃 在啓聖祠前

省牲所 在敬一亭前

祭器 舊器無存

錫大燭臺一對

錫中燭臺二對

錫小燭臺四對

錫簋一件

錫簠一件

錫豆十六座

錫爵二十八箇

錫小爵一百箇 兩廡用

錫酒尊一件

龍羃一副

錫鉶一件

木燭臺十對

木豆一百座

以上康熙三十三年知縣楊森捐俸新置生員吳佺監造

大香爐一座

大燭臺一對

大花瓶一對

俱係鐵鑄外加金漆

錫中香爐一座

錫中燭臺一對

錫中花瓶一對

錫豆二十座

錫酒尊二件

錫銅五件

錫爵三十三個

錫小爵三十個

兩無用

木豆二百座

以上知縣王時炯捐俸添置生員喬掄監造

書籍

明時藏本頗多今記其現存者

四書大全一部

原二十本現存一十三本

易經大全一部

原一十二本現存七本

書經大全一部 原一十本 現存八本

詩經大全一部 原一十一本 俱存

春秋大全一部 原一十八本 現存一十三本

禮記大全一部 原一十八本 現存一十二本

性理大全一部 原三十本 現存二十六本

五倫書一部 原六十二本 現存三十九本

孝順事實一部 一本 重修舊縣志一部 三本

續修舊縣志一部 四本 重續新縣志一部 四本

儒學田

叁拾叁畝叁分 趙襄子墳餘地

壹頃伍畝玖分柒釐 舊養濟園地

壹頃柒拾餘畝 坐落山鳳上都土名小山前

續志曰學田至義舉也當道且捐鏹金創置况以

公地為之於義尤為至當者乎查軍武道購學地

肆拾肆畝陸分伍厘壹毫坐落城東壹拾肆畝陸

分貫家園壹拾伍畝城北壹拾貳畝伍厘壹毫城

西南叁畝共計糧貳石壹斗肆升捌合壹勺捌抄
壹撮陸圭壹粒陸粟防於康熙叁拾捌年間撥入
義學尚存趙襄子墳餘地叁拾叁畝叁分又舊藏
濟園地壹頃伍畝玖分柒釐以為民間侵占柒畝
玖分零五十一年知縣王時炯徹底清丈各退還
原額又山鳳上都鄉民張桂成等隱無糧地壹頃
柒拾餘畝詳追撥入學宮共叁頃壹拾餘畝雖非
沃壤每歲募佃播種除葺理殿廡外尚可充本學
月課諸生膳饌之需允為長久計也

義學田

一段壹拾壹畝零 趙襄子墳墻內地

一段壹拾肆畝 陸分 城東土名武家園

一段壹拾伍畝 城東土名貫家園又名春廠坡

一段壹拾貳畝伍厘壹毫 城北土名楊家坡

一段叁畝 城西南坐落庄里村東北

以上四段共地肆拾肆畝陸分伍厘壹毫原糧
貳石貳斗叁升貳勺伍抄伍撮除截糧捌升貳

合柒抄叁報叁圭捌粒肆粟實在糧貳石壹斗肆升捌合壹勺捌抄壹撮陸圭壹粒陸粟

一段陸畝肆分陸厘土名喬家園角子地

一段捌畝陸分土名喬家園角子地

一段肆畝陸分捌厘叁毫土名小黑浪口頭

一段陸畝貳分捌厘柒毫土名王家園

一段肆畝肆分玖釐土名郭門子水上地

一段捌畝陸分柒厘土名喬家園

一段陸畝捌分貳厘土名迴鳳後

一段伍畝壹分伍厘土名迴鳳後

一段陸畝肆分貳厘土名迴鳳後

一段叁畝貳厘土名鳳慶四

以上十段共地陸拾畝陸分俱坐落山鳳下都該徵糧捌斗捌升捌合玖勺

續志曰義學之設所以佐學校之不逮也生徒肄業歷有年所而贍養之典從未有亟問亟餽焉者

國朝康熙三十八年間知縣楊森將學田有糧地肆拾肆畝陸分伍厘壹毫並趙襄子墳牆內地

壹拾壹畝零撥入義學通年正供外所剩無幾何以振興士氣耶五十一年知縣王時炯又將山鳳上鄉鄉民張桂成等隱糧地陸拾畝陸分該豁監生馮雲路賠糧捌斗捌升捌合致勺詳撥義學輪納統計前後地共壹頃壹拾餘畝悉屬膏腴某佃耕種歲取其租以助燈火從此絃誦之聲溢於閭巷而泮學勵行之士霞蔚雲蒸其未有艾乎若夫發蒙振聵則又在諸名俊之敬恭桑梓朝夕訓誨以無貽後人羞是則余之所惓惓者也

公署

察院

在縣治東北中為堂左茶廳右衣廳堂前棧棚直指康公丕揚題紀綱中外東西阜隸房頭二

門如制堂後為川堂直指陳公于廷題靜虛

動直楊公師程題端本澄源東牆外為厨房

西牆外為吏書房川堂後為後堂東西各卧

房萬四十二年知縣王立愛增修頭門外

軌砌臺階前堂扁憲護以聯皇華使節答

持霜到處冰兢瞻烈日按部行春車帶雨一

方雲望見仁天後扁冰玉堂歲久顏

地康熙四十七年知縣王時炯重葺

分司

一為藩司在東街久廢一為臬司在藩司東巖

議處詳允鼎新修葺門堂阜隸房如制仍增
扁聯堂左增建茶廳堂後院東為吏書房西
為廚房後為寢室
東西兩卧房今廢

按舊分司地勢高起乃儒學後照托屬乾地宜高不
宜低也舊建公署或見及此耳今廢已久業禁止民
間取土議欲建襄子祠於其地前監官廳後監一閣
可備官使駐節以為儒學之後障招僧住持長守勿
壞值諸翊建之役一時未可遽竣遂
爾稽格漫識其端以防士庶取土者

坊櫟

古晉昌坊 在縣治前萬 四十年知縣王立愛建康
熙五十一年知縣王時炯重修

恩榮坊 進士邢洪在中街南

青雲得路坊 舉人喬震在縣治前西

五馬坊 知州喬震在縣治前西路北

大司成坊 太常寺卿管國子監祭酒奉傅新德在中
街

少宗伯坊 贈禮部右侍郎傅新德在中街康熙五十
一年知縣王時炯助修

恩綸華寵坊 封直隸完縣知縣張燦在中街

蜚英坊 舉人梁綵在儒學前街西

盛世文龍坊 舉人梁綵在南門內

執法名臣坊 舉人鞏良定由知縣陞大理寺評事在縣
治前東康熙四十六年知縣王時炯助修

靈壽坊在察院前街西

紫誥重封坊貢士喬遷高欽勅陝西三邊監軍道按察司副使殉難潼關在中街前

以上各坊俱現存

天衢坊在儒學東街口萬四十三年知縣王立愛重修

雲路坊在儒學西街口舊為聖域坊萬四十二年改建

登雲坊舉人吳昂在南城外西路南又舉人高厚在縣治前西路北

攀龍坊舉人樊唐在南城外西路北

鵬程坊舉人楊涓在縣治前西

興詩坊舉人張偉

世科坊舉人薄世佑在中街北

立禮坊舉人張九跋

桂籍傳香坊舉人喬光大在縣治前西街

世科坊舉人樊啓東舊在縣治前東萬四十三年知縣王立愛改建東街

清華直臣坊給事中喬光大舊為進士坊在縣治西萬四十四年知縣王立愛改建東街

鴻臚坊鳴贊張贊舊在儒學前街東萬四十四年知縣王立愛改建分司西

晉陽鳴鳳坊舉人劉一貫在儒學前街西

邊陲節鉞坊 叅政鄭友周在察院前

青雲萬里坊 舉人張梧在中街

一鷲橫秋坊 舉人張保民在中街

七賢坊 在芳蘭鎮

節坊 一溫鍾妻喬氏在預備倉巷口 一任克弼

妻楊氏在苦水井街口 一樊邦教妻張氏

在苦水井街 一趙廷祚妻張氏在察院東

一潘廷福女潘小四在察院西 一曹廷輔

女曹小春在

預備倉東

以上各坊俱久廢

續志曰襄在曩時文德武功代不乏人詩書禮樂之澤未嘗息也今

聖天子昭大一統之治士大夫沐浴咏歌騰踔雲衢者後先接踵宜坊櫟之累上乎顧世遠年湮頽廢居半余擇其可以整飭者捐俸倡修俾之煥然更新其諸傾圮不復振者僅存其名額亦令其子若孫知典型之未盡泯沒云爾

舖舍

傳遞舖

舊在城總舖司兵四名西路智村舖司兵二名西至忻州段家庄一十五里東至總舖一

十五里東路蔣村舖司兵三名西至總舖二

十里東至芳蘭鎮十里芳蘭村舖司兵三名

東北至五臺河邊村十里西至總舖三十里

雍正二年總舖在南關西路智村東路王進

村蔣村青石村共五處各建舖房二間并置

械器二架每舖各舖司兵五名至雍正四年

奉撫憲明文惟總舖舖司兵

五名餘各三名晝夜巡防

在蔣村青石玉池灣王家庄上湯頭下湯頭

劉暉中霍共八處雍正二年奉文以兵守汛

口或離家遠時聚時散難免疎忽每汛口

各建營房十間分為五院石險一盤撥兵五

名掣眷就居督令該弁不時巡查庶無疎忽

舊安札如非德要止留兵三名防守查定襄

巡邏舖

舊南關東關智村西邢庄裡西河頭西營蘭

臺王進村師家灣小王村蔣村砂村芳蘭村

各官道間營有土窟遇上司經過二三村夫

執棍坐守過去尋散夜巡絕迹盜賊安得不

充斥乎萬 四十二年知縣王立愛各路起

蓋舖房共二十一所上危下輒設門窻閉望
置火坑禦寒糊置更籌責令每夜各地方輪
撥鄉夫五名執械鳴鑼宿舖巡守傳遞更籌
至曉方週且奉撫院吳公仁度明文徧植樹
株沿途榆柳成陰間地東桑茂集一望蒼蔚
漸為樂土矣○按巡邏舖在曩時規制甚善
今承平日久俱經廢墜姑存其名以備參考

茶房

一在縣治東小王村一在縣治西智村雍正二年知縣王會隆捐俸修建

續志曰城池縣治學校一邑之規模公署枋楔舖舍

兵防尤

國家之鉅典故建置獨詳至於橋梁為小

民病涉計亦必列於建置之中所以舒民困濟民艱

也若旅人僕僕風塵勞勞道路寒暑飢渴之狀更有

不忍視者雍正二年知縣王會隆於縣治東西兩路

各建茶房五間以濟行人之渴又捐俸金在智村置

地三畝六分以為長久之謀或於行旅之往來不無

小補云故於建置中另標一帙以為繼茲者告

橋梁

滹沱河橋

在高村前小木橋冬架春撤

牧馬河橋

張村鐘村待陽村趙村西鄆村智村神山南作村各有小木橋冬架春撤

按沱牧兩水為邑大利然害亦不小倘春夏雨暴漲發衝決莫如之何即冬末冰堅春而冰泮各處木橋多為漂流民之病涉初非一日矣安得大力者題建如蔣村襄濟橋然貽萬民無窮之安也

兵防

按襄邑郡北為僻邑無險可恃且咫尺雁門兵防固宜亟也向無嵩汎通設千總一員駐防營兵八

十七名藉以捍衛焉

武庫 見縣治久廢

演武場 在西關外嘉靖五年知縣張榮修建演武亭將臺門樓一座詳三國記見藝文年久廢壞

萬 十九年知縣劉天 復建本亭今圯

按演武場即舊教民國嘉靖五年查丈連箭道共地九十三畝八分五厘見本記久為民間侵種萬

四十四年知縣王立愛清出以隆慶年間步弓丈量共地七十五畝一分五厘除演武亭一畝五分七厘亭階下官道一畝七分將臺五分共地三

畝七分七厘公占外其餘七十一畝四分三厘又為民間侵首伍十四畝乘僅存二十一畝厘至康

熙五十一年知縣王時炯清丈詳復原額七十五畝壹分伍釐且四至俱有渠路與民地無交錯仍

召佃承種納租除辦糶外共有贏餘貯為各壇並演武亭修建之費碑

監治前並見藝文

草場 在城隍廟西久廢康熙五十一年知縣王時

民壯 伍拾名工食銀兩載在田賦內

軍器

按舊志開載軍器頗多今承平日久不惟數目純

繆即一二名色亦潤滑莫能辨識如佛朗機有大

小單連等式樣而郡志又以鳥銃為第一視佛朗機為較遠今皆無可攷惟大小將軍炸炮等閱實若干位件存貯以備參訂而已

有字將軍炮 十三位

無箍獨眼炮 二百九十六

大將軍炮 十三位

有箍獨眼炮 三十八杆

二三將軍炮 八位

有火盤小獨眼炮 二十六

牛腿大炮 三位

有火盤大獨眼炮 十五杆

牛腿中小炮 十位

有火盤雙眼炮 九杆

中小炮 十四杆

三眼鎗 五杆

炸炮 一百六十二箇

鐵子 大小三十一顆

拐角炮 十一杆

大刀 一口

古嶺公炮 二杆

破盔 三頂

以上俱貯二門外西廂房

大南門城上炮 四位

小南門城上炮 四位

東門城上炮 四位

西門城上炮 五位

定襄縣志卷之三

田賦志

楚使為掩卮賦既成以授子木君子以此知楚之
所以興也豈非以其則壤成賦不加稅而國用饒
哉漢武當虛耗之後重言利之臣桑羊列爵左
庶長立平準均輸之法其名甚美其意亦甚善也
而卜式且曰烹羊天乃雨則其效可睹矣續志
曰甚矣賦民之難也不均輸而民病即均矣行之

久不有以調其所宜而民亦病矧區區之定襄以時佐公家之急其有年或可支也歲一不登則流亡接踵矣未嘗傷農事而火耕水耨若不給也未嘗害女紅而麻縷絲絮無所出也即欲量入收徵常慮其無以應也恭值

今上屢歲蠲賦緩征與民休息窮鄉僻壤之遙咸登康阜慶昇平焉司民牧者其於賦民之際宜何如加意乎作田賦志

田糧

按舊志明洪武間民田共叁千叁百叁拾捌頃柒拾叁畝壹分夏秋稅糧貳萬貳百壹拾伍石壹斗柒升伍合叁勺永樂間田共叁千壹百柒拾伍頃壹拾叁畝貳分夏秋稅糧壹萬玖千叁百玖拾捌石肆升伍合貳勺隆慶間田共肆千壹拾叁頃柒拾叁畝伍毫伍絲夏秋稅糧壹萬肆千叁百柒拾伍石伍斗壹升柒合壹勺陸撮萬 間田行方田

法共清丈地叁千壹百柒拾伍頃壹拾叁畝貳分
共徵夏秋糧壹萬肆千叁百陸拾捌石柒斗叁升
伍合玖勺壹抄陸撮內本色糧伍百壹拾伍石

折色糧壹萬叁千捌百伍拾叁石柒斗叁升伍合
玖勺壹抄陸撮坐價不等并絲絹馬草共徵銀壹

萬貳千柒百貳拾兩捌錢伍分伍厘捌毫柒絲伍
忽捌纖地畝玖厘銀壹千叁百貳拾陸兩捌錢伍

分玖厘叁毫驛站銀壹千玖拾伍兩玖錢肆分玖
厘陸毫通共銀壹萬伍千壹百肆拾叁兩陸錢陸

分肆厘柒毫柒絲伍忽捌纖

國朝順治四年拾貳月內山西巡撫祝 具題奉

旨蠲免無主荒地捌百肆拾肆頃玖拾畝玖分捌厘

肆毫該糧貳千玖百捌拾捌石柒斗伍升玖合壹

勺每石折銀玖錢貳分柒厘捌毫肆絲玖忽伍微

叁纖玖沙柒陸壹畝該銀貳千柒百柒拾叁兩壹

錢壹分捌厘陸毫地畝玖厘每畝徵銀肆厘壹毫

柒絲捌忽玖微壹織該銀叁百伍拾叁兩捌分貳
 毫貳項共銀叁千壹百貳拾陸兩壹錢玖分捌厘
 捌毫又於順治拾肆年二月內山西巡撫白
 具題奉

旨蠲免傷亡荒地捌拾頃柒拾壹畝貳分叁厘叁毫
 該糧壹百捌拾陸石捌斗玖升肆勺柒抄每石折
 銀玖錢貳分玖厘伍毫柒絲柒微柒織該銀壹百
 柒拾叁兩柒錢貳分柒厘捌毫肆絲地畝玖厘每
 畝徵銀肆厘壹毫柒絲捌忽玖微壹織該銀叁拾
 叁兩柒錢貳分捌厘玖毫陸絲貳項共銀貳百柒
 兩肆錢伍分陸厘捌毫

〔實在〕熟地貳千貳百肆拾玖頃伍拾畝玖分捌厘
 叁毫每畝徵糧不等共徵糧壹萬壹千壹百玖拾
 叁石捌升陸合叁勺肆抄陸撮內
 〔本色〕糧伍百
 壹拾伍石
 〔折色〕糧壹萬陸百柒拾捌石捌升陸
 合叁勺肆抄陸撮該折銀玖千柒百柒拾肆兩玖

厘肆毫叁絲伍忽捌纖地畝玖厘銀玖百肆拾兩
伍分壹毫肆絲驛站銀壹千玖拾伍兩玖錢肆分
玖厘陸毫通共銀壹萬壹千捌百壹拾兩玖厘壹
毫柒絲伍忽捌纖內

陸畝肆分捌厘陸毫肆絲肆忽每畝徵糧柒升貳
合伍勺共徵糧貳百貳拾捌石捌斗肆升伍合貳
勺陸抄陸撮玖圭內

〔折色〕糧貳百壹拾捌石叁斗壹升陸合貳

〔本色〕糧壹拾石伍斗貳升

勺陸抄陸撮玖圭每石折銀玖錢壹分伍厘叁毫
叁絲叁忽貳微貳纖玖沙該銀壹百玖拾玖兩捌
錢叁分貳厘壹毫叁絲叁忽伍微地畝玖厘每畝
徵銀肆厘壹毫柒絲捌忽玖微壹纖該銀壹拾叁
兩壹錢玖分陸毫柒絲貳忽柒微肆纖捌沙玖塵
捌渺肆漢驛站銀每石派銀壹錢貳厘陸毫叁絲
伍忽伍微該銀貳拾貳兩肆錢陸厘玖毫玖絲玖
忽貳微壹纖壹沙肆塵壹渺肆埃玖漠叁項共銀

貳百叁拾伍兩肆錢貳分玖厘捌毫伍忽肆微陸
纖叁塵玖渺伍埃叁漠 [平上上]地壹百壹頃伍

拾捌畝玖分陸厘貳毫伍絲壹忽每畝糧陸升共
徵糧陸百玖石伍斗叁升柒合柒勺伍抄陸圭內

[本色]糧貳拾捌石肆升肆合伍勺 [折色]糧伍百

捌拾壹石肆斗玖升叁合貳勺伍抄陸圭每石折

銀玖錢壹分伍厘叁毫叁絲叁忽貳微貳纖玖沙

該銀伍百叁拾貳兩貳錢陸分玖絲肆忽柒微地

畝玖厘每畝徵銀肆厘壹毫柒絲捌忽玖微壹纖

該銀肆拾貳兩肆錢伍分叁厘叁毫玖絲貳纖貳

沙陸塵陸渺肆埃壹漠驛站銀每石派銀壹錢貳

厘陸毫叁絲伍忽伍微該銀伍拾玖兩陸錢捌分

壹厘捌毫伍絲伍微貳纖壹沙玖塵伍渺陸埃叁

漠叁項共銀陸百叁拾肆兩叁錢玖分伍厘叁毫

叁絲伍忽貳微肆纖肆沙陸塵貳渺肆漠 [平上

地貳千叁拾頃貳拾貳畝伍分玖厘壹毫伍忽每

畝徵糧伍升共徵糧壹萬壹百伍拾壹石壹斗貳
升玖合伍勺伍抄貳撮伍圭內

本色糧肆百陸

拾柒石陸升叁合陸勺

折色糧玖千陸百捌拾

肆石陸升伍合玖勺伍抄貳撮伍圭每石折銀玖

錢壹分伍厘叁毫叁絲叁忽貳微貳纖玖沙該銀

捌千捌百陸拾肆兩壹錢肆分柒厘伍毫伍絲陸

忽捌微捌纖地畝玖厘每畝派銀肆厘壹毫柒絲

捌忽玖微壹纖共徵銀捌百肆拾捌兩肆錢壹分

叁厘壹毫叁絲伍忽玖微陸纖肆沙柒塵伍渺伍

埃伍漢驛站銀每石派銀壹錢貳厘陸毫叁絲伍

忽伍微該銀玖百玖拾叁兩玖錢貳分捌厘玖毫

伍絲壹忽陸纖柒沙捌塵壹渺叁埃柒漢叁項共

銀壹萬柒百陸兩肆錢捌分玖厘陸毫肆絲叁忽

玖微壹纖貳沙伍塵陸渺玖埃貳漢

坡中地肆

拾伍頃捌畝玖分貳厘肆毫每畝糧叁升叁合伍

勺共徵糧壹百伍拾壹石肆升捌合玖勺伍抄肆

撮內

〔本色〕糧陸石玖斗肆升陸合玖勺

〔折色〕

糧壹百肆拾肆石壹斗貳合伍抄肆撮每石折銀

玖錢壹分伍厘叁毫叁絲叁忽貳微貳纖玖沙銀

壹百叁拾壹兩玖錢壹厘肆毫壹絲地畝玖厘每

畝銀肆厘壹毫柒絲捌忽玖微壹纖共徵銀壹拾

捌兩捌錢肆分貳厘叁毫捌絲柒忽伍微玖纖貳

沙捌塵肆渺驛站銀每石派銀壹錢貳厘陸毫叁

絲伍忽伍微該銀壹拾肆兩柒錢捌分玖厘玖毫

捌絲陸忽叁微陸纖叁沙叁塵壹渺柒埃叁項共

銀壹百陸拾伍兩伍錢叁分叁厘柒毫捌絲叁忽

玖微伍纖陸沙壹塵伍渺柒埃

〔沙下地貳拾伍

頃叁拾陸畝肆分貳厘捌毫每畝糧壹升柒合共

徵糧肆拾叁石壹斗壹升玖合貳勺柒抄陸撮內

〔本色〕糧壹石玖斗捌升肆合

〔折色〕糧肆拾壹石

壹斗叁升伍合貳勺柒抄陸撮每石折銀玖錢壹

分伍厘叁毫叁絲叁忽貳微貳纖玖沙該銀叁拾

定襄縣志
卷之三
目次九

柒兩陸錢伍分叁厘伍毫地畝玖厘每畝銀肆厘
壹毫柒絲捌忽玖微壹纖共徵銀壹拾兩伍錢玖
分玖厘伍毫肆忽叁微叁纖叁沙肆塵捌沙驛站
銀每石派銀壹錢貳厘陸毫叁絲伍忽伍微該銀
肆兩貳錢貳分壹厘玖毫叁絲玖忽陸微壹纖玖
沙捌塵玖渺捌埃叁項共銀伍拾貳兩肆錢柒分
肆厘玖毫肆絲叁忽玖微伍纖叁沙叁塵柒沙捌
埃

〔鹹下下〕地壹拾伍頃陸拾柒畝伍分玖厘壹

毫每畝糧陸合共糧玖石肆斗伍合伍勺肆抄陸

撮內

〔本色〕糧肆斗叁升貳合

〔折色〕糧捌石玖

斗柒升叁合伍勺肆抄陸撮每石折銀玖錢壹分
伍厘叁毫叁絲叁忽貳微貳纖玖沙該銀捌兩貳
錢壹分肆厘柒毫肆絲地畝玖厘每畝銀肆厘壹
毫柒絲捌忽玖微壹纖共徵銀陸兩伍錢伍分壹
厘肆絲玖忽叁微叁纖柒沙貳塵捌沙驛站銀每
石派銀壹錢貳厘陸毫叁絲伍忽伍微該銀玖錢

壹分玖厘捌毫柒絲叁忽貳微壹纖伍沙陸塵壹
漠叁項共銀壹拾伍兩陸錢捌分伍厘陸毫陸絲
貳忽伍微伍纖貳沙捌塵捌渺壹漠

順治柒年起至拾捌年止共開墾過民田荒地叁
百壹拾叁頃叁拾壹畝柒分肆厘陸毫共徵折色
糧貳百柒拾叁石叁斗貳升貳合貳勺陸抄共徵
折色銀叁百捌拾捌兩陸錢叁分捌厘肆毫捌絲
貳忽貳微貳纖叁沙

康熙元年起至拾伍年止開墾過民田荒地貳百
陸頃肆畝捌分陸厘壹毫伍絲共徵折色糧壹百
貳拾伍石柒升陸合叁勺陸抄玖撮共徵折色銀
壹百玖拾捌兩叁錢柒分貳厘玖毫壹絲玖忽肆
微壹纖伍沙陸塵捌渺柒漠

康熙拾陸年清出隱漏額內無主舊荒民田共地
壹百陸拾陸頃壹拾叁畝玖厘玖毫貳絲共徵折
色糧叁百玖拾捌石叁斗貳升肆勺貳抄叁撮共

徵折色銀肆百叁拾玖兩陸厘陸絲柒忽伍微壹
織伍沙伍塵壹渺肆埃伍漢

康熙拾玖年自首隱漏額內無主舊荒民田共地
壹頃陸拾柒畝柒分陸厘共徵折色糧壹石肆升
玖合貳抄共徵折色銀壹兩陸錢柒分肆厘叁毫
捌絲陸忽陸微陸織伍沙柒塵肆渺陸埃陸漢

康熙貳拾年開墾過民田荒地壹頃貳拾玖畝叁
分玖厘共徵折色糧柒斗柒升陸合叁勺肆抄共
徵折色銀壹兩貳錢陸分壹厘叁絲伍忽捌微柒
織陸沙伍塵伍渺捌埃肆漢

康熙叁拾叁年清出額內民田荒地壹頃柒拾伍
畝玖分玖厘共徵折色糧壹石陸升肆合柒勺肆
抄共徵折色銀壹兩柒錢貳分叁厘叁毫陸絲肆
忽捌微捌織玖沙捌塵壹渺捌漢

豐贍庫夏秋糧柒斗叁合捌勺伍抄肆撮係折色
並馬草共徵銀伍錢玖分玖厘陸毫捌絲叁忽陸

微捌沙 萬年 間加增

絲絹銀壹百壹兩肆錢 萬年 間加增

原額屯田太原右衛坐落本縣屯地伍百柒拾貳

頃叁拾柒畝玖分陸厘柒毫內 **本色**糧捌石肆

斗叁升肆合肆勺叁抄柒撮伍圭 **折色**糧壹千

貳百陸拾壹石肆斗貳升肆合捌抄叁圭共徵銀

陸百叁拾壹兩玖錢伍分玖厘叁絲伍忽壹微纖伍

順治玖年拾月內巡按劉具題奉

青湖苑荒地貳百貳拾柒頃壹拾捌畝陸分叁厘伍

毫徵糧伍百石陸斗柒升捌合柒勺伍抄陸撮柒

圭每石折銀伍錢貳分叁厘叁毫貳絲玖忽貳微

共徵銀貳百叁拾叁兩捌錢叁分捌厘柒毫伍絲

伍忽

實在熟地叁百肆拾伍頃壹拾玖畝叁分叁厘貳

毫內 **本色**糧捌石肆斗叁升肆合肆勺叁抄柒

撮伍圭 **折色**糧柒百陸拾石柒斗肆升伍合叁

勺貳抄叁撮陸圭徵銀叁百玖拾捌兩壹錢貳分
貳毫捌絲壹微伍纖內

沙地壹百玖拾叁頃肆

拾叁畝叁分叁厘貳毫每畝糧貳升陸合玖勺玖

抄陸撮叁粒玖粟共糧伍百貳拾貳石壹斗玖升

叁合叁勺叁抄伍撮肆圭貳粒內

本色糧捌石

肆斗叁升肆合肆勺叁抄柒撮伍圭

折色糧伍

百壹拾叁石柒斗伍升捌合捌勺玖抄柒撮玖圭

貳粒每石折徵銀伍錢貳分叁厘叁毫貳絲玖忽

貳微共徵銀貳百陸拾捌兩捌錢陸分伍厘叁絲

叁忽伍纖

鹹地壹百伍拾壹頃柒拾陸畝每畝

糧壹升陸合貳勺柒抄肆撮捌圭共糧貳百肆拾

陸石玖斗捌升陸合肆勺貳抄伍撮陸圭捌粒每

石折徵銀伍錢貳分叁厘叁毫貳絲玖忽貳微共

徵銀壹百貳拾玖兩貳錢伍分伍厘貳毫肆絲柒

忽壹微

順治玖年起至拾捌年止共開墾過屯田荒地柒

拾陸頃貳拾柒畝叁厘伍毫共徵糧伍拾石伍斗陸升陸合壹勺柒抄伍撮共徵折色銀貳拾伍兩叁錢壹厘壹毫捌絲貳忽伍微

康熙元年起至拾伍年止共開墾過屯田荒地伍拾捌頃伍拾肆畝陸分捌厘共徵糧叁拾捌石叁斗貳升捌合柒勺伍抄伍撮陸圭貳粒共徵折色銀貳拾壹兩肆分捌厘貳毫叁絲肆忽陸微壹纖陸沙伍塵貳埃

康熙拾陸年清出隱漏額內無主屯田荒地貳拾柒頃肆拾玖畝玖分玖厘玖毫共徵糧伍拾壹石伍斗肆升叁合貳勺陸抄柒撮玖圭柒粒叁粟共徵折色銀貳拾陸兩玖錢柒分肆厘玖絲柒忽壹微玖纖叁沙陸塵玖渺伍埃捌漠

康熙拾玖年自首隱漏額內無主屯田荒地貳拾貳畝捌分共徵糧叁斗柒升壹合陸抄伍撮肆圭肆粒共徵折色銀壹錢玖分肆厘壹毫捌絲玖忽

叁微柒織玖沙捌塵陸渺貳埃捌漠

康熙叁拾叁年清出自首額內屯田荒地壹頃玖

拾壹畝壹分壹厘共徵糧叁石壹斗壹升貳勺柒

抄柒撮貳粒捌粟共徵折色銀壹兩陸錢貳分柒

厘陸毫玖絲捌忽柒微捌織捌沙捌塵肆渺壹埃

陸漠

原額更名田共地陸百伍拾玖頃叁拾伍畝捌分

叁厘肆毫共徵租差銀壹千叁百伍拾玖兩壹錢

貳分陸厘陸毫捌絲捌忽玖微

順治拾肆年玖月內山西巡撫白具題奉

旨蠲免續荒地貳百伍拾肆頃叁拾陸畝捌厘捌毫

肆絲每畝徵租銀壹分捌厘叁毫陸忽壹微玖織

玖沙伍塵伍渺共豁銀肆百陸拾伍兩陸錢叁分

捌厘壹毫壹絲

實在熟地肆百肆頃玖拾玖畝柒分肆厘伍毫陸

絲共徵租差銀捌百玖拾叁兩肆錢捌分捌厘伍

毫柒絲捌忽玖微內 更名屯人丁壹百捌拾肆

丁各徵不等共徵銀貳拾叁兩捌錢捌分 下地

叁百柒拾肆頃陸拾玖畝柒分肆厘伍毫陸絲每

畝徵租銀貳分伍毫壹絲叁微肆纖叁沙伍塵貳

渺叁埃陸漠共徵銀捌百貳拾肆兩伍錢捌分貳

厘壹毫伍絲肆忽玖微 晉府更名田 下下地壹拾捌

頃伍拾伍畝每畝徵租銀壹分肆厘陸毫叁絲陸

忽肆微壹沙共徵銀貳拾柒兩壹錢伍分伍毫貳

絲肆忽 慶成府更名田 下下地壹拾壹頃柒拾伍畝每

畝徵租銀壹分伍厘貳毫壹絲叁忽陸微伍纖玖

沙共徵銀壹拾柒兩捌錢柒分伍厘玖毫 永和府更名田

以上肆項各徵租差銀合總

順治拾捌年開墾過更名田荒地叁拾肆頃壹拾

畝叁分壹毫共徵租銀貳拾兩肆錢陸分壹厘捌

毫陸忽

康熙元年起至拾伍年止共開墾過更名田荒地

伍拾頃叁拾玖畝肆分叁厘伍毫共徵租銀柒拾陸兩肆錢捌分伍厘玖毫柒絲陸忽陸微玖纖肆塵叁埃壹漠

康熙拾陸年清出隱漏額內有主新荒并額外無糧更名田地壹拾壹頃貳拾畝柒分壹厘壹毫捌絲玖微租銀貳拾兩柒錢柒分肆厘陸忽捌微柒纖柒沙柒渺貳埃壹漠

康熙拾玖年自首隱漏額內有主續荒更名田地柒頃柒拾柒畝玖分肆毫共徵租銀壹拾肆兩貳錢肆分肆毫陸絲伍忽捌微伍纖肆沙柒塵肆渺叁埃貳漠

康熙貳拾年開墾過更名田荒地貳頃柒拾貳畝陸分共徵租銀肆兩玖錢玖分貳毫陸絲玖忽玖微玖纖柒沙叁塵叁渺

康熙叁拾叁年清出自首額內更名田荒地叁頃玖拾玖畝陸分共徵租銀柒兩叁錢壹分伍厘壹

毫伍絲柒忽叁微肆織壹塵捌渺

以上民田屯田更名田熟地並清出節年首地共

叁千玖百陸拾肆頃伍拾玖畝捌厘叁毫壹絲共

徵本色糧伍百貳拾叁石肆斗叁升肆合肆勺叁

抄柒撮伍圭奉 文折徵粟米肆百陸拾伍石玖

斗叁升肆合肆勺叁抄柒撮伍圭折色糧壹萬貳

千叁百捌拾貳石叁斗陸升叁勺陸抄貳撮陸圭

陸粒壹粟折色銀并加增馬草絲絹共徵銀壹萬

肆千肆百伍拾叁兩柒錢柒厘伍絲玖忽伍微陸

織貳沙玖塵肆渺壹埃陸漠

按襄志及全書詳攷民屯首熟等地其徵輸糧米
截然不侔如民屯熟地則本色米與折色糧並徵
節年首民屯地但有折色糧而本色米不與焉惟
更名熟地並首地二者每歲止徵租銀而已司會
計者不可不知也

戶口
前代分戶分口為二今遵經制
全書戶口丁徭總計其成數

按萬 間舊志明洪武間戶叁千捌百伍拾口壹

萬玖千玖百壹拾肆永樂間戶貳千肆百玖拾口

壹萬叁千貳百伍拾萬 間戶貳千伍百玖拾伍
口貳萬肆千肆百貳拾貳該均徭銀叁千肆百陸
拾壹兩叁錢柒分捌厘貳毫壹絲叁忽肆微玖纖
陸沙

順治伍年編審實行差人壹萬貳千壹百肆拾捌
丁均徭并免剩銀叁千肆百陸拾壹兩叁錢柒分
捌厘貳毫壹絲叁忽肆微玖纖陸沙又加增胖襖
銀肆拾叁兩貳錢共銀叁千伍百肆兩伍錢柒分
月內題奉

旨蠲免傷亡人叁百玖拾丁應免徭銀陸拾陸兩伍
錢又於順治拾肆年玖月內題奉

旨蠲免逃故人柒百叁拾壹丁應免徭銀壹百貳拾
壹兩

康熙元年編審實在行差人壹萬叁千陸百玖拾
伍丁均徭銀壹千玖百貳兩壹錢陸分陸厘捌毫

柴絲伍忽又辦買本色顏料加增銀肆拾捌兩捌錢叁分叁厘壹毫貳絲伍忽又地差銀壹千肆百伍拾捌兩柒錢壹分壹厘叁毫叁絲捌忽肆微玖織陸沙共徵銀叁千肆百玖兩柒錢壹分壹厘叁毫叁絲捌忽肆微玖織陸沙內增徭銀玖拾貳兩陸錢叁分叁厘壹毫貳絲伍忽

康熙拾壹年編審增出銀貳拾兩肆錢 康熙貳拾壹年編審實在行差人壹萬叁千伍拾伍

丁均徭銀并辦買本色顏料加增銀壹千捌百肆兩捌錢又地差銀壹千叁百伍拾兩柒錢壹分壹厘叁毫叁絲捌忽肆微玖織陸沙共徵銀叁千壹百伍拾伍兩伍錢壹分壹厘叁毫叁絲捌忽肆微玖織陸沙

順治拾貳年清出土著新編人陸百捌拾壹丁內

下中則貳拾貳丁每丁徵銀貳錢

下下則陸百

伍拾玖丁每丁徵銀壹錢 共徵銀柒拾兩叁錢

順治拾肆年清出紳衿優免供丁柒百陸拾捌丁

內中下則壹拾壹丁每丁徵銀肆錢 下上則肆

百肆拾丁每丁徵銀叁錢 下中則壹百玖拾柒

丁每丁徵銀貳錢 下下則壹百貳拾丁每丁徵

銀壹錢 共徵銀壹百捌拾柒兩捌錢 以上實

行差人壹萬肆千捌百肆丁共徵均徭銀並辦買

本色顏料加增及地差銀共叁千肆百壹拾叁兩

陸錢壹分壹厘叁毫叁絲捌忽肆微玖纖六沙又

請亟開豁逃亡丁糧等事案內報過逃亡人壹千

陸百柒拾壹丁缺徭銀貳百柒拾肆兩陸錢

康熙貳拾肆年起徵

康熙貳拾伍年編審實行差人壹萬陸千伍百肆

拾貳丁均徭並辦買本色顏料加增共銀貳千叁

百肆拾貳兩玖錢地差銀壹千叁百伍拾兩柒錢

壹分壹厘叁毫叁絲捌忽肆微玖纖陸沙共銀叁

千陸百玖拾叁兩陸錢壹分壹厘叁毫叁絲捌忽

肆微玖纖陸沙內增丁徭銀

五兩肆錢

康熙叁拾年編審實行差人壹萬柒千伍百伍拾
伍丁均徭並辦買本色顏料加增及地差共銀叁
千陸百玖拾伍兩陸錢壹分壹厘叁毫叁絲捌忽
肆微玖纖陸沙內增丁徭銀貳兩康熙叁拾伍年編審
實行差人壹萬柒千玖百玖拾捌丁徵銀俱照前
原額康熙肆拾年編審實行差人壹萬捌千陸
百陸拾肆丁徵銀俱照原額康熙肆拾伍年編
審實行差人壹萬捌千柒百捌拾丁徭銀並辦買

本色顏料加增及地差共銀叁千陸百玖拾陸兩

壹錢壹分壹厘叁毫叁絲捌忽肆微玖纖陸沙內

增丁徭銀伍錢

康熙伍拾年編審共人壹萬捌千叁百柒拾叁丁

內紳衿優免本身叁百陸拾柒丁

實行差人壹萬捌千陸丁內

徵銀玖錢

上中則貳丁每丁徵銀捌錢

上下

則壹丁徵銀柒錢

中上則貳拾壹丁每丁徵銀

陸錢 中中則伍拾伍丁每丁徵銀伍錢 中下

則壹百叁拾柒丁每丁徵銀肆錢 下上則捌百

捌拾丁每丁徵銀叁錢 下中則貳千玖百壹拾

玖丁每丁徵銀貳錢 下下則壹萬叁千玖百捌

拾玖丁每丁徵銀壹錢 以上共徵徭銀貳千叁

百肆拾伍兩柒錢地差銀壹千叁百伍拾兩柒錢

壹分壹厘叁毫叁絲捌忽肆微玖纖陸沙共銀叁

千陸百玖拾陸兩肆錢壹分壹厘叁毫叁絲捌忽

肆微玖纖陸沙內 增丁徭銀叁錢

按襄邑歷來編審率以戶頂戶甲頂甲不增不減
習以為常往往田連阡陌而莫辨丁徭地無立錐
而更苦賠累甚至戶絕則本甲受其困甲絕則本
里被其殃 國賦日通民生日絀彈丸疲邑奚堪
當此康熙五十年知縣王時炯奉 文編審湔除
積錮通盤打筭以闔邑現在之人充闔邑實在之
丁而捏報漏報此里彼里諸弊悉為杜絕矣查四
十五年舊額壹萬捌千柒百捌拾丁五十年即除
過死逃老廢鰥寡孤獨叁千捌百叁拾壹丁皆以
十六歲以上之殷實壯丁補足其額此真天公天
慎不避嫌怨而謬為 上憲所許可者但編戶審
丁五年一舉神而明之其又在後之司茲土者乎

康熙伍拾伍年編審共人壹萬捌千叁百柒拾叁丁

內除紳衿優免本身叁百陸拾柒丁實行差人壹萬捌千陸丁徵銀照前原額

康熙陸拾年編審共人壹萬捌千叁百玖拾玖丁

內除紳衿優免本身叁百玖拾叁丁實行差人壹

萬捌千陸丁徵銀俱照原額

雍正肆年編審共人壹萬捌千肆百壹拾丁內除

紳衿優免本身肆百肆丁實行差人壹萬捌千陸

丁內 上上則貳丁每丁徵銀玖錢 上中則肆

丁每徵銀捌錢 上下則叁丁每丁徵銀柒錢

中上則貳拾丁每丁徵銀陸錢 中中則捌拾壹

丁每丁徵銀伍錢 中下則壹百陸拾伍丁每丁

徵銀肆錢 下上則肆百柒拾肆丁每丁徵銀叁

錢 下中則叁千伍百貳拾貳丁每丁徵銀貳錢

下下則壹萬叁千柒百叁拾伍丁每丁徵銀壹

錢 以上共徵徭銀貳千叁百肆拾伍兩柒錢地

差銀壹千叁百伍拾兩柒錢壹分壹厘叁毫叁絲

捌忽肆微玖纖陸沙共銀叁千陸百玖拾陸兩肆
錢壹分壹厘叁毫叁絲捌忽肆微玖纖陸沙

以上通共地丁銀壹萬捌千壹百伍拾兩壹錢壹
分捌厘叁毫玖絲捌忽伍纖捌沙玖塵肆沙壹埃
陸漠凡遇閏月地差內加徵貳兩

雍正三年奉

旨歸併到本縣屯人共肆百貳拾肆丁內 太原前

衛坐落本縣屯人叁百肆拾肆丁內 中中壹丁

每丁徵銀玖錢玖厘捌毫 中下叁丁每丁徵銀

柒錢肆分玖厘叁毫 下上叁拾捌丁每丁徵銀

陸錢肆分伍厘陸毫叁絲 下中壹百壹拾貳丁

每丁徵銀肆錢伍分陸厘玖毫 下下壹百玖拾

丁每丁徵銀貳錢玖分柒厘柒毫 以上共徵銀

銀壹百叁拾伍兩肆錢貳分柒厘陸毫肆絲

太原左衛坐落本縣屯人共捌拾丁內 上上壹

丁每丁徵銀壹兩肆錢陸厘柒毫 中下捌丁每

丁徵銀柒錢伍分柒厘叁毫 下上壹拾柒丁每

丁徵銀陸錢伍分伍厘 下中貳拾伍丁每丁徵

銀肆錢柒分肆厘捌毫 下下貳拾玖丁每丁徵

銀貳錢捌分陸厘陸毫 以上共徵循銀叁拾捌

兩柒錢捌分壹厘伍毫 通共銀壹百柒拾肆兩

貳錢玖厘壹毫肆絲

以上通共地丁屯徭銀壹萬捌千叁百貳拾肆兩

叁錢貳分柒厘伍毫叁絲捌忽伍纖捌沙玖塵肆

渺壹埃陸漠凡遇閏月地差內加徵貳兩

按民屯各別自

國朝順治年間屯糧輸之有司屯丁徵自衛所第

屯人星居野處散布四方相去數百餘里輸納

往反未免跋涉之勞故每歲衛所隨其遠近就

其地而征收之所至之處不無紛擾之煩雍正

二年 撫憲諾題疏裁革衛所改設府縣雍正

三年奉

旨歸併到坐落本縣屯人丁徭銀兩令本縣徵收起
解較前更稱善云

起運

戶部項下宣大民運農桑地畝顏料鋪墊改折軍
屯更名並節年開墾及清出隱漏自首隱漏增
出徭銀等項共銀捌千壹百伍拾肆兩壹錢柒
分壹厘壹毫捌絲玖忽肆微捌纖貳沙玖塵肆

沙壹埃陸漠內

宣府鎮銀伍百陸拾叁兩伍錢○大同鎮銀叁千
叁百伍拾陸兩伍錢捌分貳厘伍毫陸絲○加增
豐贍庫銀伍錢玖分玖厘陸毫捌絲叁忽陸微捌
沙○農桑銀叁百伍拾兩伍錢捌厘肆毫○地畝
玖厘銀玖百肆拾兩伍分壹毫肆絲○屯田熟地
銀叁百玖拾捌兩壹錢貳分貳毫捌絲壹微伍纖
更名田熟地銀捌百玖拾叁兩肆錢捌分捌厘伍
毫柒絲捌忽玖微○民田開墾過荒地銀壹千叁
拾兩陸錢柒分陸厘貳毫伍絲陸忽伍微捌纖陸
沙叁塵壹沙壹埃○屯田開墾過荒地銀柒拾伍
兩壹錢肆分伍厘肆毫貳忽肆微柒纖捌沙玖塵
貳埃貳漠○更名田開墾過荒地銀壹百肆拾肆
兩貳錢陸分柒厘陸毫捌絲貳忽柒微伍纖玖沙
柒塵貳沙捌埃肆漠○土著人丁銀柒拾兩叁錢
○實在人丁徭銀肆拾叁兩捌錢○節年編審增出人丁
丁銀壹百捌拾柒兩捌錢○節年編審增出人丁

徑銀貳拾捌兩陸錢○顏料鋪墊改折銀柒拾兩柒錢叁分貳厘貳毫伍忽

禮部項下羊價藥味並脚價等銀貳拾肆兩貳錢柒

分壹厘貳毫貳絲陸忽內羊價並脚價銀壹拾貳兩柒分伍厘玖毫陸絲

○藥味並脚價銀壹兩貳錢伍分肆厘伍毫壹絲陸忽○北羊並脚價銀柒兩肆分玖厘捌毫○

日紙價並每年加閏月及脚價銀叁兩捌錢玖分玖毫伍絲

兵部項下直堂皂隸並脚價銀叁拾叁兩貳分肆

厘捌毫捌絲伍忽

工部項下柴夫木柴胖襖並脚價銀伍百肆拾壹

兩肆錢伍分貳厘壹毫柒絲肆忽叁微貳纖內柴

並脚價銀叁百貳兩伍錢叁分玖厘叁毫陸絲玖忽伍微○木柴並脚價銀壹拾叁兩壹錢柒毫陸

絲捌忽捌微貳纖○新舊胖襖銀玖拾柒兩貳錢○鹿皮壹拾伍張折銀並脚價銀玖兩玖分柒厘

貳絲○營膳司料銀並脚價銀壹百壹拾玖兩伍錢壹分伍厘壹絲陸忽

舊額存留項欵奉 文節年裁扣裁官經費及新

裁訓導齋大門斗工食奉裁恤刑新裁損夫歲貢

等項共銀壹千捌百柒拾玖兩貳錢伍分柒厘伍

毫柒絲陸忽捌微玖纖叁沙內舊編裁剩銀陸百肆拾兩肆分捌毫

柒絲陸忽捌微玖纖叁沙○順治玖年會議裁扣
 銀壹百兩陸錢○順治拾貳年會議裁扣銀捌兩
 ○裁官經費銀叁百捌拾陸兩陸分壹毫○裁訓
 導俸薪並喂馬草價等銀肆拾叁兩伍錢貳分○
 裁減各衙門吏書工食銀玖拾柒兩貳錢○裁減
 走遞夫馬銀壹百壹拾兩肆錢○裁訓導齋夫門
 斗工食銀伍拾兩肆錢○裁恤刑紙張銀叁錢○
 康熙十肆年欽奉上諭事裁減知縣心紅紙張
 銀壹拾兩○修理監倉銀貳拾兩○教官喂馬草
 料銀陸兩○走遞馬騾草料銀玖拾捌兩○歲考
 生員試卷等銀捌兩伍錢○季考縣學生員試卷
 等銀伍兩○府學季考生員試卷等銀陸錢壹分
 ○起送應試生員盤費銀貳兩陸錢貳分伍厘○
 又為合計天下財用事裁減歲考生員試卷等銀
 捌兩伍錢○季考縣學生員試卷等銀伍兩○府
 學季考學生員試卷等銀陸錢壹分○起送應試生

員盤費銀貳兩陸錢貳分伍厘○走遞馬騾草料
 銀玖拾捌兩○朝覲本冊什物銀伍錢陸分陸
 厘陸毫○康熙拾伍年為再減存留等事裁減馬
 快手馬草料銀捌拾陸兩肆錢○裁教官喂馬草
 料銀陸兩○裁迎春神牛酒席銀壹兩○又十七
 年為酌量裁減等事裁減知縣心紅紙張銀壹拾
 兩○裁迎春神牛酒席銀伍錢○又貳拾陸年裁
 歲貢廷試盤纏銀貳拾兩○裁損夫工食銀伍拾
 貳兩
 以上伍項撥入地丁起解
 驛站抵解地丁銀壹千玖拾伍兩玖錢肆分玖厘
 存留額編兵餉銀伍千貳百貳拾玖兩叁錢玖厘伍

毫捌絲捌纖

農桑織造銀叁拾玖兩壹錢肆分肆厘叁毫貳絲伍忽

戶部料銀壹拾柒兩肆錢貳分玖厘陸毫玖絲伍忽陸微陸織

綾絹黃絲木櫃等銀伍兩柒錢肆分捌厘肆絲伍

忽陸微貳織叁沙

以上叁項查全書開載置買造解細絹名色

以上起運共銀壹萬柒千壹拾玖兩柒錢伍分捌

厘貳毫玖絲捌忽伍織捌沙玖塵肆渺壹埃陸漠

存留

日紙價銀陸兩壹錢解司

舉人坊牌銀捌兩解司

武舉會試銀捌兩解司

進士旗匾銀叁兩叁錢叁分叁厘肆毫解司

餞送舉人會試盤纏銀貳拾陸兩解府

餞送舉人會試卷價酒席銀伍錢叁分叁厘肆毫解府

新中舉人花紅酒席旗匾等銀貳兩伍錢解府

知縣俸銀肆拾伍兩

原陸拾叁兩肆錢玖分為裁官經費等事裁壹拾捌兩肆

錢玖分解部存留肆拾伍兩

門子貳名工食銀壹拾貳兩

原壹拾肆兩肆錢順治玖年會議裁

貳兩肆錢解部存留壹拾貳兩

皂隸壹拾陸名工食銀玖拾陸兩

原壹百壹拾伍兩貳錢順

治玖年會議裁壹拾玖兩貳錢解部存留玖拾陸兩

馬快手捌名工食銀肆拾捌兩

原伍拾柒兩陸錢順治玖年會

議裁玖兩陸錢解部存留肆拾捌兩

燈夫肆名工食銀貳拾肆兩

原貳拾捌兩捌錢順治玖年會議裁

肆兩捌錢解部存留貳拾肆兩

禁卒捌名工食銀肆拾捌兩

原伍拾柒兩陸錢順治玖年會議裁

玖兩陸錢解部存留肆拾捌兩

轎夫肆名工食銀貳拾肆兩

原貳拾捌兩捌錢順治玖年會議裁

肆兩捌錢解部存留貳拾肆兩

傘扇夫叁名工食銀壹拾捌兩

原貳拾壹兩陸錢順治玖年會

議裁叁兩陸錢解部存留壹拾捌兩

庫子肆名工食銀貳拾肆兩原貳拾捌兩捌錢

肆兩捌錢解部
存留貳拾肆兩

倉斗級肆名工食銀貳拾肆兩原貳拾捌兩捌錢

議裁肆兩捌錢解部
存留貳拾肆兩

民壯伍拾名工食銀叁百兩原叁百陸拾兩

拾兩解部存留叁百兩

典史俸銀叁拾壹兩伍錢貳分俸銀壹拾玖兩伍錢貳分薪銀壹拾貳兩

門子壹名工食銀陸兩原柒兩貳錢

皂隸肆名工食銀貳拾肆兩原貳拾捌兩捌錢

肆兩捌錢解部
存留貳拾肆兩

馬夫壹名工食銀陸兩原柒兩貳錢

存留陸兩

八角永寧倉大使俸銀壹拾玖兩伍錢貳分

儒學教官俸銀叁拾壹兩伍錢貳分俸銀壹拾玖兩伍錢貳分

薪銀壹拾貳兩

廩生貳拾名餼糧銀陸拾肆兩原壹百玖拾貳兩

裁壹百貳拾捌兩解
部存留陸拾肆兩

齋夫叁名工食銀叁拾陸兩

膳夫貳名工食銀壹拾叁兩叁錢叁分叁厘叁毫

原肆拾兩為裁官經費等事裁貳拾陸兩陸錢陸分
陸厘柒毫解部存留壹拾叁兩叁錢叁分叁厘叁毫

門斗叁名工食銀貳拾壹兩陸錢

文廟啓聖名宦鄉賢風雲雷雨山川社稷壇蚩蜡廟

貳祭邑厲壇叁祭共銀柒拾壹兩

迎春神牛銀伍錢
原貳兩康熙拾伍年為再減存
留事裁壹兩又拾柒年為酌量

裁減等事裁伍錢
解部存留伍錢

鄉飲酒禮銀壹拾伍兩

習儀拜牌霜降等銀壹兩伍錢

舖司兵壹拾叁名工食銀陸拾貳兩肆錢

起送考貢生員酒席及考中正歲貢旗匾花紅銀

陸兩

孤貧冬衣花布銀叁兩

以上存留官俸役食襍支除裁扣起運外實存留

銀壹千壹百叁拾兩叁錢陸分壹毫

額外

商稅銀伍兩凡遇閏月加銀肆錢壹分陸厘陸毫陸絲

匠價銀叁拾叁兩柒錢伍分

裁換賞酒課銀壹拾貳兩凡遇閏月加銀壹兩

以上叁項共銀伍拾兩柒錢伍分

按襄邑每當起解錢糧除正供之外另有添搭之費攤派里民無論餽瘠莫能逃此科斂吁民之得以息育者無幾矣康熙四十六年間知縣王時炯目覩地瘠民貧正供尚苦支吾而又重以額外

悉索其忍之乎爰為革除陋例一應起運糧餉銀兩台捐解費亦以蘇吾民因而已

鹽課

歲發鹽引捌百陸拾張

額徵稅銀叁百肆拾貳兩貳錢壹分貳毫貳絲貳忽

紙價貳兩伍錢捌分

按襄鹽出自下濕土內遇烈日晒蒸鹵氣浮白括收淋水烈火煎熬遂成顆粒亦甚奇矣然歲恒賜利於鹽而不利於農歲恒雨利於農而不利於鹽况所收括之土即起料之地而產鹽之地即不能播種之土業徵其夏稅秋糧又復以鹽徵稅亦太棘矣惟以供邊相鄰州縣皆然議何容易也

郵傳

走遞馬騾

拾匹頭每匹頭草料銀貳拾捌兩共貳百捌拾兩網銀內派走久裁

協濟站銀

壹千玖拾伍兩玖錢肆分玖厘陸毫秋糧

馬四匹騾四頭協濟九原所牛頭口伍拾名
牛車伍拾輛嘉靖年間巡撫萬題改本州另派

召募總歸本縣站
銀內協濟久裁

匠役

班匠

舊額柒拾伍名每名徵銀肆錢伍分共叁拾叁兩柒錢伍分脚價叁錢陸分肆厘壹毫陸絲貳忽伍微共銀叁拾肆兩壹錢壹分肆厘壹毫陸絲貳忽伍微今匠有增減而數無乘除永為定額云

按遺賦固襄邑敝胃或亦有所限之也稽覈地糧

與他邑頗相上下乃境內東西南北相距各六七

十里視他疆域不啻倍縮地狹則無曠土即高阜

砂礫盡收入起科之數矣况迫近雁塞其氣候視

省會差殊一月如山鳳上下之砂瘠寇村之硠瘠

辛庄之燥瘠西邢青石之薄瘠賦難取盈分數當

戒自不待言難以東霍之水地焉而饒牛台智村

神湯北王高蔣待陽之水旱相雜而饒劉暉北關

南關橫山胡桃原王村趙村之旱地而猶可稱饒

試與省南地土比畊較獲春暖過遲秋凋更蚤殆

難同日而語矣守土者安得不凜凜此也○襄俗

富民畏顯糧多坐差往往一人而二三其名或寄

於子姪幼孩甚且寄在已死鬼名下莫可窮詰迨

赴櫃輸納自憎零碎總納一封僅書一人名納數

常淨其糧數櫃頭艱於細舉惟就流水簿內登納

一行以便拆封及按額查比率支吾抵應原銀既

未分載各人名下何不可那以掩他人之逋也且
往有股頭名色總本支一股之數一人出而管納
富者輒募貧者以應貧者又相輪而應既自逋不
輸反兜收股內人銀輸於己名下本人名下未註
有完數比查出追捉多方掩護懼其人出而相質
寧甘受捶楚不辭蓋其人一自以銀付股頭代納
後便可免於追呼明知其侵而不問餌之耳弊何
有極康熙四十七年知縣王時炯訪知襄民之逋
賦有由力法其弊首革股頭收照一條鞭法每歲
初查核本人丁糧銀數後開限期令花戶親賣滾
單赴櫃投納照各限下填寫納銀若干比較時一
目瞭然而兜收難容逋賦易見民其庶有瘳乎但
法久玩生奸弊或滋顧留心民瘼者破其股頭之
積習勿令彼此影射簧鼓鄉愚行見地之餽瘠各
殊民之頑樸互異範圍於良法美意之中而易知
易從不事追呼不煩捶楚賦事帖然矣

屯田

太原右衛

顧庄等一十七屯原額并新增糧一千二
百六十一石四斗二升四合八抄三圭每

石折色銀五錢內王茂改徵一石折銀九錢
三分二釐共六百三十一兩一錢四分四釐
三絲五忽
一微五纖

顧庄屯

縣治東北十二里地一百二十七頃二十八
畝一分九毫九絲糧一百七十六石三斗二

合二勺一抄
六撮八圭

崔家庄屯

縣治東北十里地四十三頃六十六畝五
毫糧一百三石一斗五升五合五勺七抄

撮七

青石屯 縣治東北四十里地八十六頃四十五畝七分二釐三毫糧一百五十石三斗五合五勺

劉念屯 縣治東北三十里地四十七頃五畝一分五釐二毫糧一百六十一石三斗三升三合五勺六抄

王村屯 縣治西北三十里地一十二頃六十一畝八釐一毫糧四十七石八斗七升四合一勺八抄

高長屯 縣治東十五里地三十四頃七十一畝四釐九毫糧七十九石六斗六升八合一勺七抄

庄頭屯 縣治北十里地七頃九十六畝三分四釐六毫糧一十八石九斗二升六合九勺五抄

關家庄屯 縣治東北二十里地三十九頃八十四畝四分二釐二毫糧八十九石三斗七升四勺

橫山屯 縣治北二十五里地二十二頃一十二畝六分四釐糧一十八石六斗七升七合一勺八抄

橫山民佃屯 二十五里地二十八頃八十三畝四分八釐二毫糧三十七石一斗八升一合一勺六抄

湯頭屯 縣治西北四十里地四十一頃四十一畝六分九釐七毫糧九十七石七斗二升五合一勺三抄

黃嘴屯 縣治西北十里地一十四頃九十七畝一分五釐六毫糧四十五石六斗八升六合七勺

西霍屯 縣治南二十里地一十四頃七十四畝二分八釐糧四十三石一斗二升四合一勺五抄三分八厘

蘭臺屯 縣治西二十五里地九頃五畝三分七釐八毫糧三十二石八斗二升二合一勺七抄五撮

合六勺三抄七撮

五撮

高村屯

縣治西北十里地一十一頃六十畝糧三十石六升三合八勺四抄

林木屯

縣治西北十五里地一十三頃六十四畝九分糧四十一石二斗九升九合五勺

向陽屯

縣治西北三十里地一十五頃四十二畝八釐六毫糧四十五石三斗三升六合五勺三撮

抄三撮

戶部

題准開懇屯田萬 四十三年

巡撫吳公仁度檄縣查勘知縣王立愛許令屯戶首

出成熟餘地一十二頃五十八畝四分五釐四毫共

派糧八石四斗三升四合四勺三抄七撮五圭每年

徵收本色米備餉開墾荒地四頃八畝三分四厘五

毫五絲候成地起科續徵砂澗地二頃一畝八分五

厘五毫栽樹

以上統係明時屯額與全書相符一經刪改後鮮稽攷故存之

按舊志屯地與民間相襍靡可攷辨在民每石派糧一兩餘屯則五錢不啻損半且屯餘自有丁差

業屬本衛編審而糧獨以寄庄令有司代徵不知始自何年新例考成與邊糧一體議叅此輩憑藉

衛縣不相涉之名分急則來訴緩則堅匿有司甘為任罰亦殊冤矣又不知始自何年歸併於縣總

名曰軍屯實在熟地並首出開墾地共五百九頃六十四畝九分五厘六毫折色糧九百四石六斗

六升四合八勺六抄四撮六圭
六粒一粟田賦內開載甚明

官庄村碑立治前 大營村 小營村 石牌灣

神池灣 師家灣 馬房村以上係晉府屯

北藍臺村永和府屯 中霍村慶城府屯

按舊志王府屯地俱本府委官自理其地初無定額糧甚輕渺每三五年一番丈勘稍綠水變遷輒復除糧冊籍殊不足據民間相與連地者往往爭角今總名曰更名屯實在熟地並首出開墾地共五百一十五頃二十畝二分九厘七毫四絲微租銀一千三十七兩七錢五分六厘三毫六絲一忽六微五纖九沙七塵二渺八埃四漠亦詳載田賦內

物產

穀類

黍 黃 白 紅 青 羊眼

稷 青 黃 黑 稻軟硬二種 粱 白

麥 大麥 小麥 蕎麥 油麥 燕麥

粟 白 黃硬軟二種 黑 紅

葛 秫軟硬二種 麻 芝麻 大麻 草麻

豆 黃 黑 菜 蕪 薯 姜 綠

菜類

葱

蒜

韭

茄

芹

芥

莧

菠

白菜

葫蘆

瓠子

茼蒿

蔓菁

高苣

苦蕒

苜蓿

蒔蘿

磨菇

龍牙

苦苣

甜苣

蕨菜

紫羅帶

蘿蔔

白蘿蔔

瓜類

西瓜

冬瓜

南瓜

北瓜

菜瓜

絲瓜

王瓜

甜瓜

草類

葦

蓼

蘆

蘭

浮萍

蒲草

香草

水葱

木類

松

栢

榆

柳

桑

榿

椿

槐

樺

楸

桐

楊

欖

檜

蔡

本草綱目

卷之三

四十一

檀

花類

蓮 紅白
二色

芍藥

天秋葵

匾竹

榴

石竹

菊

戴荊

萱草

珍珠

月季

鳳仙

金盞

水紅

迎春

牡丹

鷄冠

鳳尾

西番蓮

萬草蓮

粉團

茨梅

蝴蝶

山丹

百般嬌

蜀葵

三春柳

果類

梨

棗

杏

桃

李

柰

榛

果 香夏秋
三種

葡萄

核桃

林檎

木瓜

禽類

雞

鸞

鴨

鴿

鴈

燕

烏

鴉

班鳩

鴛鴦

半翅

雉鷄

石鷄

喜鵲

鶴鷄

定襄縣志 卷之三
田賦三

獸類

牛

羊

豬

馬

騾

驢

狐

狼

狸

犬

貓

鹿

兔

猴

麝

麀

黃鼠

鼠狼

石類

鹽

鹵

石

煤

石炭

藥類

甘草

麻黃

荆芥

芍藥

黃精

蒼朮

薄荷

升麻

遠志

知母

枸杞

藜麥

半夏

紅花

大黃

山藥

秦艽

黃芩

防風

黃芪

柴胡

桔梗

兔絲子

牽牛子

車前子

益母草

地骨皮

天仙子

蒲公英

牛蒡子

小茴香

旋覆花

大小薊

夏枯草

以上草屬

槐實

金櫻子

以上才屬

五靈脂

蜂蜜

蟾酥

以上蟲屬

續志曰晉省以北山多而峻綿亘數百里惟夏冬氣候不爽乃春秋常行冬令甚有未秋而霜盛夏而雹者故物產異其宜也襄邑土瘠民疲所產無幾計黍稷稻粱之外按名覈實有終身莫識其狀者若鵝鴨間有池沼可畜亦各州邑所同志備一類聊供披閱而已

